


兩三三三

京輔輔輔

新故舊黃

記事事圖







三 輔 黃 圖

孫星衍 莊捷吉 校定

編主五雲王

編初成集書叢

種三他其及圖黃輔三

中華民國二十五年十二月初版

發行人

王

上海河南路

雲五

印刷所

商

上海河南路

務印書館

發行所

商

上海及各埠

務印書館

三輔黃圖新校正序

三輔黃圖一卷始見於隋經籍志不著撰人名氏如淳晉灼多引其文按劉昭注郡國志引黃圖云下邳縣并鄭桓帝西巡復之則爲漢末人後漢咸陽并入長安故記咸陽故事亦多繫之長安也書亦名西京黃圖舊有敘不傳故臣瓚引西京黃圖敘民摩錢取屑也舊書有圖特以文爲標識故其詞甚簡今書中所稱舊圖云云者標識之辭下有文復出者圖說是也若後云圖曰上林苑有昆明池周回四十里前云昆明池在長安西周四十里下云舊圖云西有彪池上云冰池在長安西之屬隋志云記三輔宮觀陵廟

明堂辟雍郊時等事是其體例尙可尋求後人既益以注解多引史記漢書及三輔故事三秦記宮闕疏廟記等書傳寫者又亂入本文今長安志引太上皇廟在長安城中香室街酒池之北案之本書云在長安城中香室街南關輔記曰在酒池北則是宋敏求卽連用其注程大昌以爲唐人增續成之是也樂史宋敏求所引又勝於南宋時本雍錄所引有漢明帝永平五年至長安取飛廉并銅馬置之西門以爲平樂觀董卓悉銷以爲錢則後人所益玉海所引有岐州扶風縣及湖城縣等不能別擇亦前此所無其引序云孔子作春秋築一臺新一門必書于經今哀秦

漢以來宮殿門闕樓觀池苑在關輔者著于篇東都不與焉又云始於三輔治所終於雜錄一帙凡十九條是其篇目已非隋志之舊然王所引据詞旨簡質尙與今本不同今本于三輔治所前增三輔沿革其辭至劣又分十九條爲三十六條是又非宋本之舊矣玉海指證此書思子宮在湖萬歲宮在汾陰皆隸甘泉與史不合今覽其文殆有甚者鐘官之誤爲鐘宮乃附于宮類涿沐館之譌爲涿沐觀乃列于觀屬溫室殿實在未央而載在長樂宮云按漢宮殿疏在長樂宮又漢宮閣記在未央宮旁皇無据渭橋一名便門橋亦卽橫橋見水經注而妄加橫橋便門橋

與渭橋爲三或本書與拾遺記西京雜記同文則以彼繁詞增其篇幅或傳注稱引本書後及他書後爲按語皆牽連抄摭或非三輔宮觀妄附本書蕪累甚矣王應麟弟應鳳有訂正三輔黃圖今復不傳嘗得宋紹興癸酉撫州刊本後有苗昌言題以校明本頗有異同亦無殊絕子以爲唐人所引三輔故事諸書亡矣畧見於此不宜刊落可用舊本漢人著書存者絕少削繁補遺倘復舊觀則亦相輔而行焉頃涉覽書傳刺取舊文依隋志成爲一卷以續應鳳之舊僕旣訪古關中西涉桃林東觀芒竹南窮八水北覽九嶷憑眺遺墟搜求故實加之目驗猶恐面牆近得莊

公子遠吉共相釐訂付之剞劂如有舛誤以俟知音
乾隆五十年太歲乙巳冬至孫星衍撰於關中節署

三輔黃圖一卷

陽湖孫星衍 莊達吉 同校定

京兆在尙冠前街東入故中尉府馮翊在太上皇廟

西入右扶風在夕陰街北入故主爵府顏師古引如上與今本異

今本見行世不復著錄其文 太初元年以渭城以西屬右扶風長

安以東屬京兆尹長陵以北屬左馮翊以輔京師謂

之三輔太平御覽引如上顏師古云長安以東爲京兆長陵以北爲左馮翊渭北以西爲西扶風

不如御覽爲長今本作三輔者謂主爵中尉及左右內史云云三十七字後人妄改 三輔郡皆

有都尉如諸郡京輔都尉治華陰左輔都尉治高陵

右輔都尉治郿王莽分長安城旁六鄉置帥各一人

分三輔爲六都尉渭城安陵以西北置栒邑義渠十

縣屬京尉大夫居故長安寺高陵以北十縣屬師尉

大夫府居故廷尉府新豐以東至湖十縣屬翊尉大

夫府居城東霸陵杜陵以東至藍田西至武功郁夷

十縣屬光尉大夫府居城南茂陵槐里以西至汧十

縣屬扶尉大夫府居城西長陵池陽以北至雲陽今本

脫此二字祿十縣屬列尉大夫府居城北自渭城安陵

師古引今本有後漢光武之後云云後人以關中記妄加

咸陽故城自秦孝公至始皇帝胡亥並都此城始皇

兼天下都咸陽太平寰宇記引如上八字御覽同初學記作始皇都咸陽因北陵

營殿端門四達以則紫宮象帝居渭水貫都今本渭

引字諸書所無以象天漢橫橋南度以法牽牛諸書引橋廣

六尺南北三百八十步六十八間七百五十柱百二

十二梁橋之南北有隄激立石柱柱南京兆主之柱

北馮翊主之有令丞各領徒一千人橋之北首壘石

水中水經注引如上今本多脫自此已下有咸陽北至九嶼甘泉南至鄠杜云云是史記正義引廟

記文今削去

蕢陽宮秦文王所起藝文類聚引云長安有蕢陽宮則此下疑有在長安數字玉海

引有在今鄠縣西南二十三里與今本同乃唐人所加今削去後皆如此

械陽宮秦昭王所作在扶風晉灼引如上三字案此兼蕢陽宮而言

在鄠亦屬扶風

西垂宮文公元年居西垂宮此類疑亦後人以史記加入古本當只作西垂

宮三字

平陽封宮武公元年伐彭戲氏至於華山下居平陽

封宮

此亦史記文

橐泉宮

下有皇覽今削去案地里志及書例此下疑當有孝公起三字

步高宮在新豐縣

初學記引作京兆有步高宮寰宇記同此

亦名市邱城

步壽宮在新豐縣步高宮西

虢宮秦宣太后起

長楊宮在盩厔

文選注引云長楊宮有射熊館在盩厔今增在今盩厔縣東南三十里

本秦舊宮漢修飾之以備行幸宮中有垂楊數畝因

以爲名門曰射熊

雍錄下秦漢游獵之所王海引如

麟所見本已爲唐人竄亂亦不盡可据然其詞簡質猶宋本也王引他書亦多不改字故足据也

漸年宮穆公所造

梁山宮始皇幸梁山

當脫一字

在好時

今本又見後卷者非

信宮亦曰咸陽宮

興樂宮秦始皇造漢修飾之周回二十餘里漢太后常居之

阿房宮亦曰阿城惠文王造宮未成而亡始皇廣其宮規恢三百餘里離宮別館彌山跨谷輦道相屬閣道通驪山八百餘里表南山之顛以爲闕絡樊川以爲池作阿房前殿東西五十步南北五十丈上可坐萬人下建五丈旗以木蘭爲梁以慈石爲門懷刃者止之

文選注長安志引有五字今本脫下有周馳爲複道云云皆史記文後人妄加

收天

下兵聚之咸陽銷以爲鐘鑠高三丈鐘小者皆千石

也初學記引作始皇造虛銷鋒鏑以為金人十二以

弱天下之人立於宮門坐高三丈銘其後曰顏師古作其銘

日皇帝二十六年初兼天下改諸侯為郡縣一法律

同度量大人來見臨洮其長五丈足跡六尺顏師古引止此

今本下云銘李斯篆蒙恬書董卓悉椎破銅人銅臺

以為小錢及英雄記云云皆後人妄加今本收天下

之兵上有云朝宮始皇三十五年以咸陽人多云云

是史記文又有庭中可受萬人車行酒騎行炙云云

是長安志引三輔舊事文皆後人妄加又朝宮即未

去悉削蘭池宮始皇三十一年微行咸陽逢盜蘭池玉海引如此今

本有與武士四人俱夜出後人妄加

雲閣二世所造下有云起雲閣欲與南山齊是文選注引三輔故事

望夷宮在長平觀道東北臨涇水以望北夷以爲宮名

林光宮胡亥所造從廣各五里

長安故城漢之舊都高祖玉海作帝七年方修長樂宮成

自櫟陽徙居此城本秦離宮也初置長安城本狹小

至惠帝更築之高三丈五尺下闊一丈五尺上闊九

尺雉高三坂周回六十五里城南爲南斗形北爲北

斗形至今人呼漢舊京爲斗城玉海引如上月本有案惠帝元年正月初

成云云乃後人以漢書加入城下有池周繞玉海無此字廣三丈深二

丈石橋各六丈與街相直玉海雍錄相直二字作等

長安城東出北頭第一門曰水經注作本名二字宣平門民間

謂東都門都字當建始元年秋八月有白蛾羣飛蔽

日從東都門至枳道疏廣受乞骸歸公卿大夫為設

祖道供張東都外即此門也其郭門亦曰東都後漢書注

引作其外郭即逢萌挂冠處也玉海引如上今本又

門名東都門至此水經注云一日東城門其郭門

亦曰東都門即逢萌挂冠處也三句餘疑亦後人所

加水經注即逢萌挂冠之語疑亦酈道元文莽更名春王門正月亭東都

門至外郭亭十三里今本為第三條第一條曰

東出第二門曰清明門今本此句上皆有長安城一

曰籍田門以門內有籍田倉水經注一曰凱門玉海

入漢宮毀疏莽更名宣德門布恩布恩亭玉海引

東出南頭水經注無第三門曰霸城門民見門色青

名曰水經注青城門或曰青門召平種瓜青門外玉

引如上七字今本云云疑後人以水經注加入莽改名仁壽門無疆亭上十字

據水經注玉海訂正

南出東頭第一門曰覆盎門玉海有一號杜門四字

有魯班輸所造橋其南有下杜城故曰下杜門據此

一號杜又曰端門北對長樂宮莽更名永清門長茂

亭玉海引如上海

南出第二門曰安門亦曰鼎路門北對武庫莽更名

光禮門顯樂亭

南出第三門曰西安門後漢書注引云平城北對未

央宮一曰便門即平門也玉海及今本有古者平便

橋十九字水經注無今削去

莽更名信平門誠正亭

西出南頭第一門曰章城門

水經注作章門

元延元年章城

門牡自亡莽更名萬秋門億年亭

玉海亦誤入漢宮殿疏非又元延元

年已下十字水經注無亦後人加入今姑從玉海

西出南頭

水經注無此二字

第二門曰直城門

水經注亦曰

故龍樓門門上有銅龍

水經注云張晏曰門樓有銅龍三輔黃圖曰長安西出第

二門即莽更名直道門端路亭此門也

西出北頭第三門曰雍門本名西城門

水經注二句到轉疑此亦

當作曰西城門

其水北入有函里民呼曰函里門

水經注呼

作名下有云又曰光曰亦曰突門上十三字今本誤在著誼亭下据玉海訂正此

莽更名章

義門著誼亭

玉海引如此

北出西頭第一門曰橫門

如淳引云掖門北

其外郭

有都門有棘門

水經注有上九字如淳引此亦云

門

外有橫橋莽更名朔都門左幽亭

北第二門曰廚城門

水經注作洛門下

長安廚官在

門內因為門名

水經注作長安廚官在東故名

莽更

名建子門廣世亭

後漢書注引作廚城門王莽改曰

為廚城門

北出東頭第三門曰洛城門又曰高門

水經注作本

利城門其外有客舍故名

莽更名進和門臨水亭

漢城門皆有候主候時謹啟閉也

玉海引如

右記三輔治所及秦城秦宮漢城文甚完備今本

妄分七條曰三輔沿革曰三輔治所曰咸陽故城
曰宮曰漢長安故城曰秦漢風俗曰都城十二門
其第一條取志家通語第五條取地理志語以充
之已屬淺陋第四條至以鐘宮馳道妄加秦宮之
後馳道則取秦本紀文鐘宮乃實鐘官字誤長安
志所稱鄠縣鐘官城又名灌鐘城在縣東北二十
五里秦始皇收天下兵器銷爲鐘鑠處蓋如鐵官
瓦官之屬耳此以爲官唐宋人必無此謬妄知又
在其後也今竝削去

直市在富平津西南二十五里卽秦文公造物無二
價故以直市爲名

太平寰宇記引如上玉海
作物無二價故名直市

又有柳

帝東市西市有當市樓有令舍以察商賈貿易三輔

都尉掌之

玉海引如上海

有香室街夕陰街尙冠前街

長安閭里百六十有宣明建陽昌陰尙冠修城黃棘

北煥南平大昌戚里

玉海引如此

未央宮周回二十八里前殿東西五十丈深五十丈

高三十五丈

一云三丈五尺玉海有云前殿曰路寢見諸侯羣臣處也今本作注後文有玉

路堂如路寢也

營未央宮因龍首山以制前殿

玉海有云

則此非本文山長六十里秦時有黑龍從南山出飲渭水其行道

因成土山西京賦所謂疏龍首以抗殿是也今本作注是也後人又增其文

至孝武以木蘭爲椽文杏爲梁柱金

鋪玉戶華棖璧璫雕楹玉碣重軒鏤檻青瑣丹墀左

碱右平

下有黃金爲壁帶已下十九字玉海所無

未央宮有宣室麒麟金

華承明武臺釣弋等殿又有殿閣太平寰宇記作臺殿三十有

二有壽成萬歲廣明椒房清涼永延玉堂壽安平就

宣德東明飛雨鳳皇通光曲臺白虎太平寰宇記作白獸等殿

玉海此下有云增成昭陽延年合歡回車宜明長又

有玉堂增盤閣宣室閣玉海引此微異但與王莽改

未央宮曰壽長室前殿曰王路堂下有如路寢也四

案舊圖玉海此三字在王莽改未央宮上此漸臺織

室凌室皆在未央宮宣室溫室清涼在未央殿北宣

明廣明在未央殿東昆德玉堂在未央殿西今本在後卷案

其文義其中又有麒麟金華承明殿石渠天祿麒麟

當在此閣金馬青瑣門元武蒼龍二闕畫堂朱雀堂甲關非

常室

玉海引注一本宣室溫室清涼在未央殿北云云餘亦如此

長樂宮本秦之興樂宮也高皇帝始居櫟陽七年長

樂宮成徙居長安城

已上太平寰宇記只作長樂宮三字疑後人以漢書加入前

殿東西四十九丈七尺西杼中二十五丈深十二丈

長樂宮有鴻臺有臨華殿有溫室殿有長信長秋永

壽永寧四殿高帝居此宮後太后常居之在長安城

中近東直杜門孝惠至平帝皆居未央王莽改長樂

宮為長樂室

玉海引如上

建章宮漢武帝造周二十餘里千門萬戶

水經注引如上玉海

及今本後人在未央宮西長安城外

下有帝於未央宮營造日廣云

注云是

宮之正門曰閭闔高二十五丈亦曰璧門

已上

五字据今本左鳳闕水經注左高二十五丈水經注

尺五右神明臺門內北起別風闕高五十丈對峙井

幹樓高五十丈海下有輦道相屬焉五字玉連閣皆有

采恩前殿下視未央其西則唐中殿受萬人玉海引

海及今本下又有壁門三層臺高三十建章有駘蕩

駮娑枌栢天梁奇寶鼓簧等宮又有玉堂神明堂疏

圃鳴鑿奇華銅柱函德等二十六殿太液池唐中池

自建章有駘蕩至此玉海引作有玉

堂函德等二十六殿太液池唐中池

桂宮武帝太初四年秋起玉海引周回十餘里玉海

本云周匝四十里又云在未央宮北此五字見北宮下

北宮在長安城中近桂宮俱在未央宮北周回十里

高帝時制度草創孝武增修之中有前殿廣五十步
珠簾玉戶如桂宮

甘泉宮一曰雲陽宮

此下舊有史記秦三字据玉海削去

始皇二十七

年作甘泉宮及前殿築甬道自咸陽屬之漢武帝建

元中增廣之周回一十九里中有牛首山

長安志引如上二十

字文選注亦引云甘泉宮中有牛首山

去長安三百里望見長安城黃

帝以來圓丘祭天處武帝造赤闕於南

今本脫赤字据玉海增

以象方色於是甘泉宮更置前殿始廣造宮室

今本脫廣

字据玉海增

有芝生甘泉殿邊房中乃作芝房之歌帝又

起紫殿雕文刻鏤黼黻以玉飾之成帝永始四年行

帝甘泉郊泰畤神光降於紫殿

自帝又起紫殿至此見太平寰宇記及長

安志今本下有今案云云甘泉有高光宮雍錄引又

卽樂史語而雍錄頗引之作殿又有林光宮有長定宮竹宮通天臺武帝先作迎風館

於甘泉山後加露寒儲胥二館建元中作石闕封巒

鳩鵲觀玉海引如上海引

漢未央長樂甘泉宮四面皆有公車司馬門王莽改

公車司馬門曰王路四門分命諫大夫四人受章疏

以通下情玉海引此條或多詳其文義乃後人注語

右記市里及未央長樂建章桂宮北宮甘泉六宮

今本妄分四條曰長安九市曰八街九陌曰長安

城中閭里曰漢宮每條雜入廟記三輔故事等書

又其文有與西京雜記拾遺記同者則以彼文增

改本書今多據玉海削去今本長樂宮在未央宮
前據本書云漢未央長樂甘泉四面皆有公車司
馬門則未央當在前

蒼龍白虎朱雀元武天之四靈以正四方王者制宮
闕殿閣取法焉

武庫在未央宮蕭何造以藏兵器

內謁者署在未央宮屬少府

金馬門宦者署武帝得大宛馬以銅鑄象立於署門

內因以爲名

玉海引
如此

未央宮有宣室布政教之室也

玉海雍錄
引如此

未央宮有清涼殿

長安志
引如上

夏居之則清涼也亦曰延

清室董偃以玉晶為盤貯冰同色侍者謂冰無盤必

融溼席誤拂盤墜碎

白孔六帖引如此今本妄加

未央宮有溫室殿

後漢書注引如上

武帝建冬處之溫暖也

未央宮有金華殿

未央宮有大玉堂小玉堂殿

晉灼引如此

未央宮有高門殿

如淳引如此

未央宮有椒房殿

後漢書注引如上文選注引未央作長樂

以椒和泥塗

取其溫而芬芳也武帝時後宮有八區有昭陽飛翔

增成合歡蘭林披香鳳皇鴛鴦等殿後有增修安處

常寧茝若椒風發越蕙草等殿為十四位

掖庭宮在天子左右如肘腋

上八字今本作注非

未央宮有承明殿著述之所也

未央宮有石渠閣蕭何所造其下隴石爲渠以導若

今御溝因爲閣名所藏入關所得秦之圖籍又成帝

於此藏祕書焉

玉海引如上又一引云石渠內藏入秦府所得圖書所謂天祿石渠典籍

之府志代郡其詞簡質當是古本

天祿閣藏典籍之所

未央宮有麒麟殿藏祕書卽揚雄校書處

長安志引如此今脫

下九字妄引漢書哀帝燕董賢父子於麒麟殿事非本書也

未央宮有滄池言池水蒼色故曰滄池

玉海無此四字池中

有漸臺王莽死於此

長安志引此作關中記無言池水蒼色故曰滄池

凌室在未央宮藏冰之所也

織室在未央宮又有東西織室織作文繡郊廟之服
有令史屬少府

暴室主掖庭織作染練之署謂之暴室取暴曬爲名
耳有齋夫官屬

未央宮有果臺東西山二臺

長安志引作東山臺西山臺

未央宮有鈞弋臺通靈臺望鵠臺眺蟾臺桂臺商臺
避風臺

影娥池武帝鑿以翫月其旁起望鵠臺以眺月影人
池中亦曰眺蟾臺

玉海引如此

昭帝元始元年穿琳池廣

千步池南起桂臺亦望遠東引太液之水池中植分
枝荷一莖四葉狀如駢蓋日照則葉低陰根莖名曰

低光荷以文梓爲船木蘭爲柁刻飛燕翔蠲飾於船

首玉海引如此影娥池及此二條疑後人所加以釋商臺桂臺

弄田在未央宮弄田者燕遊之田天子所戲弄耳

路輪廢在未央宮掌宮中輿馬亦曰未央廢

獸圈九彘圈一在未央宮中長安志引止此文帝問上林尉

及馮媛當熊皆此處獸圈上有樓觀後人分入圈類又加秦獸圈今

正訂

右未央宮

駘蕩宮春時景物駘蕩滿宮中也玉海無下駘蕩二字

駘娑宮馬行迅疾一日遍宮中言宮之大也玉海引如此

枌詣宮枌詣木名宮中美木茂盛也玉海引木名上無枌詣二字

天梁宮梁木至於天言宮之高也四宮皆在建章宮

又有奇寶殿鼓簧宮

玉海一引如此一奇寶殿下有云在建章宮旁四夷狄器服珍

寶火浣布切玉刀巨象大雀師子宮馬充塞其中案長安志亦引其文作周地圖記則是後人妄增入之

今所不取

太液池在長安故城西建章宮北未央宮西南太液者言其津潤所及廣也

唐中池周回二十里在建章宮太液池南

灑臺在建章宮

顏師古長安志俱云三輔黃圖灑或爲灑字今據改玉海作在建章雍錄

作在未央太液池中高二十餘丈灑浸也言爲池水所灑

又一說漸臺星名法星以爲臺名

神明臺在建章宮中

水經注引祀仙人處上有銅仙有上五字

舒掌捧銅承雲表之露玉海引如此水經注長安志引云上有九臺今人謂之九子臺疑道元語也今本臺榭類又有神明臺云見建章宮當削去

涼風臺在長安故城西建章宮北

右建章宮

長樂宮有鴻臺

玉海引如上

秦始皇二十七年築高四十

丈上起觀宇帝嘗射鴻于臺上故號鴻臺惠四年三月長樂宮鴻臺災

長樂宮有魚池臺酒池臺始皇造又有著室臺鬪鷄走狗臺壇臺漢韓信射臺

長樂宮西有長信宮長秋殿后宮在西秋之象也秋主信故以長信長秋爲名玉海引如上又永壽永寧殿皆

后所處也

臨華殿在長樂宮前殿後武帝建

長樂宮有神仙殿

文選注長安志引如此

長樂宮有建始殿廣陽殿中室殿月室殿

長安志引如此今脫

右長樂宮

明光宮在長樂宮後南與長樂宮相連屬

今本在北宮案三輔

故事云桂宮中有明光殿則在桂宮武帝求仙起明光宮發燕趙美女

二千人充之

玉海引此

率取二十以下十五以上年滿

三十者出嫁之掖庭令總其籍時有死者隨出者

右疑桂宮

北宮有神仙宮壽宮張羽旗設供具以禮神君神君

來則肅然風生帷帳皆動

太子宮有甲觀

如淳引如上

畫堂宮殿中采畫之堂在北

宮

玉海引如上

右北宮

通天臺亦曰候神臺又曰望仙臺武帝時作柏梁柱

承露仙掌之屬

玉海引如上雍錄引云上有承露盤仙人掌擎玉杯以承雲表之露元鳳

間自毀椽桷皆化為龍鳳隨風雨飛去

竹宮甘泉祠宮也以竹為宮天子居中

林光宮中有長定宮

長安志引此云秦林光宮仙人觀緣山谷行至雲陽三百八十里

入右扶風周回五百四十里即下甘泉苑文

甘泉苑武帝置緣山谷行至雲陽三百八十里

今本作三

百八十里 西入右扶風 初學記太平御覽長安志俱無西字 凡周匝五百

四十里 玉海作四百五十里 苑中起宮殿臺閣百

餘所有仙人石闕封巒鳩鵲觀 玉海引

增成宮在甘泉宮垣內 初學記引如此

棠梨宮在甘泉苑垣外雲陽南三十里 玉海引

右甘泉宮

今本甘泉宮內妄入鈎弋宮昭臺宮長門宮永信

宮中安宮儲元宮犬臺宮葡萄宮步壽宮梁山宮

黃山宮回中宮三良宮集靈宮集仙宮存仙宮存

神殿望仙臺望仙觀宜春宮扶荔宮五柞宮宣曲

宮鼎湖宮思子宮萬歲宮首山宮明光宮池陽宮

養德宮日華宮曜華宮皆長安上林或有不在三
輔者當由古本列諸宮與甘泉諸宮近後人莫辨
耳

上林苑中有昆明觀

太平寰宇記長安志引蓋武帝如上一本又作又說曰

所置豫章觀武帝造在昆明池中亦曰昆明觀

文選注引

作上林有豫章觀

飛廉觀在上林武帝元封二年作飛廉神禽能致風

氣者身似鹿頭如雀有角而蛇尾文如豹武帝命以

銅鑄置觀上因以爲名

下有明帝永平五年云云是漢書應劭注

昭臺宮在上林苑中

初學記引作長安有昭臺宮今木下有孝宣霍皇后云云玉海

無所

涿木館在上林苑

儲元宮在上林苑中

顏師古引長安城西有上四字

犬臺宮在上林苑中外有走狗觀

玉海作犬臺宮在長安西二十八里

上有犬臺宮外有走狗觀晉灼引作上林有犬臺宮外有走狗觀以今本定之如此

葡萄宮在上林苑西漢哀帝元壽二年單于來朝以

太歲厭勝所舍之即此也

扶荔宮在上林苑中

玉海無中字

元鼎六年破南越起扶

荔宮以植所得奇草異木菖蒲山薑桂龍眼荔支檳

榔橄欖甘橘之類

玉海引如此雍錄引云以荔支得名元鼎六年破南越自交趾移百

株無一株生者連年移植不息偶一株稍活無華實帝亦珍息之一旦萎死株數十人遂不復蒔其實則

時交阯太守唐羌極陳其弊乃始罷貢

白楊觀在昆明池東

宣曲宮在昆明池西孝宣帝曉音律常於此度曲因

以名宮

玉海引如此下十五字後人所加姑從玉海

漢上林苑即秦之舊苑也建元三年開周袤三百里

玉海引

上林苑有昆明觀武帝置又有蘭觀平樂觀

遠望觀

初學記引長安燕昇觀觀象觀便門觀白鹿有望遠宮即此

觀三爵觀陽祿觀陰德觀鼎郊觀樛木觀椒唐觀魚

鳥觀元華觀走馬觀柘觀上蘭觀郎池觀當路觀皆

在上林苑又上林苑中有六池市郭宮殿魚臺犬臺

獸圈

後漢書注引此云上林有建章承光等十一宮平樂觀三十五建章宮承光宮儲元宮包陽宮尸

陽宮望遠宮犬臺宮宣曲宮昭臺宮葡萄宮蘭館平

樂觀博望觀益樂觀便門觀白鹿觀膠木觀三爵觀
 陽祿觀陰德觀鼎郊觀椒唐觀當路觀則陽觀走馬
 觀虎園觀上蘭觀昆池觀豫章觀郎池觀華光觀以
 上十二宮二十二觀皆在上林苑中潘岳此言當本
 黃圖今本上林中池上籓五所此今本脫
 脫落多矣

上林苑有昆明池周匝四十里此今本脫
此標題圖首者其下

云云乃書中語也昆明池武帝元狩四年穿在長安
 長安志引如此

西周四十里有百艘樓船建樓櫓戈船各數十上建

戈矛四角悉垂幡葆麾蓋玉海引如上二十五字今
 本妄以三輔舊事增入

鎬池在昆明池之北卽周之故都也

上林苑有初池麋池牛首池蒯池積草池東陂池西

陂池當路池大一池初學記引如
 此今作犬臺郎池牛首池在上

林苑中西頭蒯池生蒯草以織席西陂池郎池皆在

古城南上林苑中陂郎二水名晉灼引陂浪二水名作甘泉苑內卽此

因爲池積草池中有珊瑚木高一丈二尺一本三柯

上有四百六十二條南越王佗所獻玉海引如此玉海牛首池在上

苑中西頭已下作注今詳晉灼所引云云疑本文

右上林苑

從洛門至周廟門有長信宮在其中後漢書注長安志引如此今本

脫

京兆有步壽宮初學記引如上玉海壽作高秦亦有步壽宮今按

其地與秦異則秦漢各有步壽宮秦在新豐縣步高

宮西玉海引如此初學記引作京兆有步壽宮秦之步壽

明光宮在城中近桂宮顏師古引如此今本脫之攻雍錄云明光宮有三一與長

樂相連一在甘泉宮中一爲尙書奏事之地卽此宮也似据俗本黃圖而言今明光宮兩見一在長樂宮後一在甘泉宮其在甘泉宮者疑卽此

長門宮在長安城玉海引孝武陳后居之玉海引如此

永信宮孝哀帝尊恭太皇后曰帝太太后稱永信宮

中安宮孝哀帝尊恭皇太后曰帝太后稱中安宮

鈎弋宮在城外顏師古及長安志引如此

宜春宮本秦之離宮在長安城東南杜縣近下杜在

鄂者宜春觀玉海引如此

柏梁臺武帝元鼎二年春起此臺在長安城中北闕

內玉海引作在長安城中北帝嘗置酒其上詔羣臣和詩玉海引止此

細柳觀在長安西北

仙人觀霸昌觀蘭池觀安臺觀淪沮觀在城外又有

禁觀董賢觀蒼龍觀當市觀旗亭樓

長安志作期門樓

馬伯

騫樓在城內麒麟朱雀含章皆館名

御宿苑在長安城南御宿川中

如淳引此云御羞宜春皆苑名也

漢

武帝爲離宮別館禁御人不得入往來遊觀止宿其

中故曰御宿

宜春下苑在京城東南隅

玉海無東字

樂游苑在杜陵西北宣帝神爵三年起曲江池武帝

所造周回六里餘

雍錄引云曲江池周回六里餘玉海引云曲江池武帝所造周回五里

今本脫

思賢苑孝武帝爲太子立思賢苑以招賓客苑中有

堂皇六所客館皆廣廡高軒屏風幃褥甚麗玉海引如此

亦西京雜記文玉海又有廣陵王常于別館學格熊十字今本又以西京雜記加入

博望苑在長安城南杜門外五里有遺址玉海引如此今本前

有博望苑武帝立子據為太子云云後人妄加

秦酒池在長安城中玉海引如此今本作故城非

鶴池在長安城西盤池在西北並廢

長安西有彪池亦名聖女泉玉海引如此今本云冰池在長安西舊圖云云

如上

百子池在宮內高祖七月七日臨百子池作于闐樂

正月上辰出池邊盥濯食蓬餌以祓妖邪三月上巳

張樂池上玉海引如此

少府飲飛外池

鼎湖宮在藍田

晉灼及司馬貞引如上玉海及今本作在湖城縣界非也

昔黃帝

採首山銅以鑄鼎鼎成有龍下迎帝仙去小臣攀龍髯而上者七十二人漢武帝於此建宮

集靈宮集仙宮存仙殿存神殿望仙臺望仙觀皆武

帝宮觀名也

此句上有俱在華陰縣界六字後人所加

在華陰縣

思子宮武帝寤戾太子無辜被殺作思子宮爲歸來

望思之臺于湖

龍臺觀在豐水西北近渭

池陽宮在池陽南上原之阪去長安五十里

玉海引如此

長平觀在池陽宮臨涇水

長楊榭在長陽宮秋令校獵其下命武士搏射禽獸
天子登此以觀焉

五柞宮漢之離宮也在扶風盩屋

玉海無扶風二字

宮中有

五柞木因以名中有青梧觀

玉海引如上

在五柞宮之西

觀亦有三梧桐樹下有石麒麟二枚刊其脇文字是

秦始皇驪山墓上物也頭高一丈三尺東邊者前左

脚折處有赤如血父老謂其有神皆含血屬筋焉

屬玉觀在右扶風

玉海引止此

屬玉水鳥似鳩鵲以名觀

也又曰屬玉似鴨而太長頸赤目紫紺色

黃山宮武帝微行西至黃山宮卽此

今本此前有梁山宮已見秦宮

當是後人所益

回中宮在汧

如淳引如
此雍錄同

又有三良宮先近

萬歲宮武帝造汾陰有萬歲宮

晉灼引
上六字

宣帝元康四

年幸萬歲宮神爵翔集以元康五年爲神爵紀元

首山宮武帝元封元年封禪後夢高祖坐明堂朝羣

臣於是祀高祖於明堂以配天作首山宮以爲高靈

館

玉海引
如此

成山觀成山在東萊不夜縣於其上築宮闕爲觀海

引如
此

日華宮河閒獻王德築日華宮置客館二十餘區以

待學士

玉海引
如此

曜華宮梁孝王作曜華宮築兔園有鴈池鶴洲鳧渚

王海引
如此

漢畿內千里並京兆治之內外宮館一百四十五所
所秦離宮二百漢武帝往往修造之

王海及今
本妄加

右記宮觀其大宮有六曰未央長樂建章甘泉桂

宮北宮餘宮閣池觀分隸各宮中後記京兆馮翊

扶風諸宮其例似尙可尋今本妄分十條曰長樂

未央建章北宮甘泉宮中諸宮殿曰苑囿曰池沼

曰臺榭曰觀曰閣因以四大宮中殿閣池臺分入

諸部所載長樂宮中有溫室殿甘泉宮中至有汾

陰山諸宮其謬甚矣又有梁山宮已見秦宮有養

德宮取西京雜記文今削去日華曜華二宮亦取

西京雜記文已見玉海今姑存之西郊苑取西都
賦文三十六苑取漢儀注文梨園取長安志雲陽
宮記文亦皆削去餘宮觀次第略依長安志更正
其文

虎威章溝皆署名漢有長水中壘屯騎虎賁越騎步

兵射聲胡騎八營宿衛王宮周廬直宿處按薛綜注西京賦云

虎威章溝未聞其意則此疑後人所加

靈金內府太上皇微時佩一刀長三尺上有銘字難
識傳云殷高宗伐鬼方時所作也上皇遊豐沛山中
寓居窮谷有人冶鑄上皇息其旁問曰鑄何器工笑
曰爲天子鑄劍謹勿言曰得公佩劍雜冶之卽成神

器可克定天下昴星精爲輔佐木衰火盛此爲異兆
上皇解匕首投爐中劔成殺三牲以覺祭之工問何
時得此上皇曰秦昭襄王時余行陌上一野人授余
云是殷時靈物工卽持劔授上皇上皇以賜高祖高
祖佩之斬白蛇劔是也及定天下藏於寶庫守藏者
見氣如雲出戶外狀如龍蛇呂后改庫曰靈金藏惠
帝卽位以此庫貯禁兵器名曰靈金內府

玉海引
如此

太倉蕭何造在長安城外東南有百二十楹文帝節

儉

今本作
文景非

太倉之粟紅腐而不食

玉海引
如此

細柳倉嘉倉在長安西渭水北石徼西有細柳倉城

東有嘉倉初建一百二十楹

玉海引
如此

未央大殿在長安故城中金華殿今本脫華字翠華殿大

輅殿果馬殿騎馬殿大宛殿軌梁殿胡河殿駒駉殿

凡殿九太平御覽引有上三字皆在長安城內霸昌殿馬殿在

長安城外都殿天子車馬所在中殿皇后車馬所在

渭橋秦始皇造跨渭水為橋玉海引此重不能勝乃刻

石作力士孟賁等像祭之乃可動今石人在玉海及今本此

條前有橫橋下引三輔舊事云云今本霸橋下有便

門橋云武帝建元二年初作橋在便門外跨渭水通

茂陵案水經注云渭水上有梁謂之渭橋秦制也亦

曰便門橋下引橫橋南度云云則橫橋便門橋即渭

橋也後人妄加顯然可証霸橋在長安東跨水作橋下十一字後人妄加今削去王莽時霸

橋災數千人以水沃救不滅更霸橋為長安橋

飲馬橋在宣平門外

玉海門作城門外

漢宮中謂之禁中謂宮中門閣有禁非侍衛通籍之臣不得妄入行道豹尾中亦視禁中至孝元皇后父名禁避之改曰省中省察也言出入禁中皆當省察不可妄也

鹵薄天子出車駕次第謂之鹵薄有大駕有法駕有小駕大駕則公卿奉引大將軍參乘太僕御屬車八十一乘作三行尙書御史乘之備千乘萬騎出長安出祠天於甘泉備之百官有其儀注名曰甘泉鹵薄法駕京兆尹奉引侍中參乘奉車郎御屬車三十六乘北郊明堂則省副車小車祠宗廟用之

清道謂天子將出或有齋祠先令道路埽灑清淨
靜室天子出入警蹕舊典行幸所至必遣靜室令先
按行清淨殿殿中以虞非常

離宮天子出遊之宮也

行在所天子以四海爲家不以京師宮室居處爲常
則當乘車輿以行天下車輿所至奏事皆曰行在
陛下陛下由升堂也天子必有近臣執兵階陛以戒
不虞臣下與天子言不敢指斥天子故呼在殿陛下
以告之故稱陛下因卑達尊之意也上書亦如之如
羣臣士庶相與語曰閣下足下之屬

繭館蓋蠶繭之所也

蠶室行腐刑之所也司馬遷下蠶室

鍾室在長樂宮高祖縛韓信置鍾室中

作室上方工亦之所

長安御溝謂之楊溝謂置高陽於其上也

闕觀也周置兩觀以表宮門其上可居登之可以遠觀故謂之觀人臣將朝至此則思其所闕

塾門舍也臣來朝君至門外當就舍更就詳所應對之事塾之言就

掖門在兩傍如人臂掖也

闔闔宮中小門也

永巷永長也宮中之長巷幽閉宮女之有罪者武帝

時改爲掖庭置獄焉

長安城中有獄二十四所

太平寰宇記長安志引如此

蠻夷邸在長安城內藁街

晉灼引作在長安城門內

關中八水皆出入上林苑霸水出藍田谷西北入渭
澆水亦出藍田谷北至霸陵入霸涇水出安定涇陽
開頭山東至陽陵入渭渭水出隴西首陽縣烏鼠同
穴山東北至華陰入河豐水出鄠南山豐谷北入渭
鎬水在昆明池北牢水出鄠縣西南潦谷北流入渭
潏水在杜陵從皇子陂西北流經昆明池入渭

右記宮禁儀注及上林苑逕流之水求其文例當
承宮觀之後今本妄分六條曰署曰庫曰倉曰廡

曰園曰橋曰雜錄又增秦獸園取烈士傳文今削去

秦始皇葬驪山六年之間爲項王所發牧兒墮羊冢

中然火求羊燒其椁藏

藝文類聚引如此

漢太上皇陵高祖初居櫟陽故太上皇因在櫟陽十

年太上皇崩葬其北原起萬年邑置長丞

顏師古引如上後漢

書注引云高祖初都櫟陽太上皇崩葬櫟陽北原陵號萬年仍令置萬年縣皆與今本異其陵在

東者太上皇西者昭靈后也

高祖長陵在渭水北去長安城三十五里長陵山東

西廣一百二十步高十三丈長陵城周七里百八十

步因爲殿垣門四出及便殿掖庭諸宮寺皆在中顏師

古引長陵城至此

呂后陵在高祖陵東

惠帝安陵去長陵十里安陵有果園鹿苑云

太平寰宇記引

作安陵有果園名鹿苑

文帝霸陵在長安城東七十里不起山陵稠種柏

藝文

類聚引如上七字今本妄改

就其水名因以爲陵號

景帝陽陵在長安東北四十五里山方二十步高十

丈

武帝茂陵在長安城西北八十里周回三里高一十

四丈一百步茂陵有鶴觀

昭帝平陵在長安西北七十里去茂陵十里帝初作

壽陵令流水而已石椁廣一丈二尺長二丈五尺無
得起墳陵東北作廡長三丈五步外爲小廚裁足祠
祝萬年之後埽地而祭

宣帝杜陵在長安城南帝在民間時好遊鄠杜間故
葬此

元帝渭陵在長安城北五十里

成帝延陵在扶風去長安六十二里

成帝於霸陵北
步昌亭起壽陵

卽武帝之廢陵也按上注
太平寰宇記引之疑本文王莽時遣使壞渭陵延陵

園門罌罍曰毋使民復思也又以墨色滂其周垣

哀帝義陵在扶風渭城西北原上去長安四十六里
平帝康陵在長安北六十里興平原口

文帝母薄姬南陵在霸陵南故曰南陵

昭帝母趙婕妤雲陵在雲陽甘泉宮南今人呼爲女陵

李夫人墓東西五十步南北六十步高八尺在茂陵

西北一里俗名英陵長安志引如上亦云集僊臺高三十丈

周回三百六十步今本作注

億年陵王莽妻死謚曰孝穆皇后葬渭城長壽園西

陵曰億年今本作注云是舊本詳今本正文極陋乃後人妄加當削去

宗尊也廟貌也所以髣髴先人尊貌也漢立四廟宗

祖異處不序昭穆

太上皇廟在長安城中今本作長安西北長安故城中其文是後人以括地志妄

加今
削之

香室街南馮翊府北史記正義引如此十七字今本

所加長安志引作太上皇廟在長安城中
香室街酒池上之北則知此為唐時所附

高祖廟在長安城中西安門內東太常街南有鐘十

枚可受十石撞之聲聞百里長安志稱晉灼引如此

廟在長安城門街
東寢在桂宮北 高園於陵上作之既有正寢以象

平生正殿路寢也如淳引作高又立便殿於寢側以

象休息閑晏之處也

孝惠更於渭北建高廟謂之原廟

惠帝廟在高帝廟後

文帝廟號顧成廟

景帝廟號德陽宮

武帝廟號龍淵今長安西茂陵東有其處作銅龍故

以冠名水經注如淳引作龍淵
官今長安城西有其處

昭帝廟號徘徊

宣帝廟號樂遊在杜陵西北
師古引如此今
本上五字作注

元帝廟號長壽

成帝廟號陽池

太上皇有寢廟園原廟昭靈后武哀王昭哀后皆有
園孝惠皇帝有寢廟園孝文太后孝昭太后皆有寢
園衛思后皇祖悼考皆有廟園廟曰奉明
元成之世祖宗廟在郡國者六十八合百六十七所

京師自高祖至宣帝與太上皇悼皇考各自居陵旁立廟并爲百七十六又園中各有寢便殿日祭於陵月祭於殿寢日四上食廟歲二十五祠便殿四歲祠又月一遊衣冠四時祭宗廟用太牢列侯皆獻酎金以助祭

新莽壞徹城西苑中建章承光包陽犬臺儲元宮及

平樂當路陽祿館凡十餘所取其材瓦以起九廟

太平

御覽引作莽于長安城作九廟

莽曰予卜波水之北邱池之南惟玉

食予又卜金水之南明堂之西亦惟玉食予將親築於是遂營長安城南提封百頃莽又親舉築三下九廟一黃帝二虞帝三陳胡王四齊敬王五濟北愍王

六濟南悼王七元成孺王八陽平頃王九新都顯王
殿皆重屋大初祖廟東西南北各四十丈高十七丈
餘廟半之爲銅樽櫨飾以金銀瑀文窮極百工之巧
帶高增下功費數百鉅萬卒徒死者數萬

右記陵廟今本妄分二條曰宗廟曰陵墓以廟居
前陵居後非也

明堂者明天道之堂也所以順四時行月令宗祀先
王祭五帝故謂之明堂辟雍員如璧雍以水異名同
事其實一也初學記藝文類聚引如此今本云明堂所以正四時出教化天子布政之宮則
與玉海引文同下黃堂方百四十四尺法坤之策也
帝曰合官後人妄加方象地屋圓楣徑二百一十六尺乾之策也圓象天

室九宮法九州太室方六丈法陰之變數十二堂法
十二月三十六戶法極陰之變數七十二牖法五行
所行日數八達象八風法八卦通天臺徑九丈法乾
以九覆六高八十一尺法黃鐘九九之數二十八柱
象二十八宿堂高三尺土階三等法三統堂四向五
色法四時五行殿門去殿七十二步法五行所行門
堂長四丈取太室三之二垣高無蔽目之照牖六尺
其外倍殿垣方在水內法地陰也水四周于外象四
海圓法陽也水闊二十四丈象二十四氣水內徑三
丈應觀禮經

隋書引如
此今本脫

漢明堂在長安西南七里孝武議立明堂于長安城

南許哀等議曰案五經禮樂傳記曰聖人之教制作之象所以法天地比類陰陽以成宮室本之太古以昭令德茅屋采椽土階素輿越席皮弁蓋興黃帝堯舜之世是以三代修之也自孝武議立明堂至末初學記太平御覽引如此

周文王靈臺在長安西北四十里高二丈周回百二十步周靈囿文王囿也靈者言文王之有靈德也在長安縣西四十里一本作四十二里玉海引如此靈沼在長安西三十里

漢靈臺在長安西北八里始曰清臺本爲候者觀陰

陽天文災變更名曰靈臺

玉海引如此

文王辟雍在長安西北四十里亦曰辟靡

玉海引此

如

壁之圓雍之以水象教化流行也

漢辟雍在長安西北七里河閒獻王對三雍宮卽此

玉海引
如此

漢太學在長安西北七里王莽作宰衡時建弟子舍
萬區起市郭上林苑中

禮小學在公官之南太學在城南

藝文類聚
引作在東

就陽位

也去城七里王莽爲宰衡起靈臺作長門宮南去堤
三百步起國學于國內之西南爲博士之宮寺門北
出正于其中中央爲射宮門西出殿堂南嚮爲牆選士
肄射于此此外爲博士舍三十區周環之北之東
爲常滿倉倉之北爲槐市列槐樹數百行爲隊無牆

屋諸生朔望會此市

藝文類聚
作旦市

各持其郡所出貨物

及經傳書記笙磬樂器相與買賣雍容揖讓或論議

槐下其東爲太學官寺門南出治令丞吏詰姦宄理

詞訟五博士領弟子員三百六十六經三十博士弟

子萬八百人主事高第侍講及二十四人學生同舍

行無遠近皆隨檐雨不塗足暑不暴首

太平御覽引
如此藝文類

聚又引
節文

元始四年起明堂辟雍爲博士舍三十區爲會市列

槐樹數百行諸生朔望會此市各持其郡所出物及

經書相與買賣雍雍揖讓論議槐下侃侃閭閻如也

太平御覽一引如此
文選注又引節文

右記明堂辟雍古者與靈臺太學爲一處今本妄分四條曰辟廱曰明堂曰太學又以靈臺入榭類靈囿入苑囿類妄改明堂舊文

漢圓丘在昆故渠南有漢故圓丘高二丈周回百二

十步

玉海引
如此

天郊在長安城南地郊在長安城北所屬掌治壇墀郊宮歲時供張以奉郊祀武帝定郊祀之事祠太乙於甘泉園丘取象天形就陽位也祀后土於汾陰澤中方丘取象地形就陰位也至成帝徙秦時后土於京師始祀上帝於長安南郊祀后土於長安北郊元始四年宰衡莽奏曰帝天之義莫大于承天承天

之序莫重於郊祀祭天於南就陽位起地於北主陰
義園丘象天方澤則地園方因體南北從位燔燎升
氣瘞埋就類牲欲繭栗味尚清元器成匏勺貴賤因
質天地神所統故類乎上帝禋于六宗望秩山川班
于羣神皇天后土隨王所在而事佑耳甘泉太陰河
東少陽咸失厥位不合禮制聖王之制必上當天心
下合地意中攷人事故曰豈弟君子求福不回回而
求福厥路不通在易泰卦乾坤合體天地交通萬物
聚出其律太簇天子親郊天地先祖配天先妣配地
陰陽之別以日冬至祀天夏至祀后土君不省方而
使有司六宗日月星山川星則北辰川卽河山岱宗

三光衆明山阜百川衆流淳汗臯澤以類相屬各數
秩望相序於是定郊祀長安南北郊罷甘泉河東祀
上帝壇圓八觚徑五丈高九尺茅營去壇十步竹
宮徑三百步土營徑五百步神靈壇各於其方面三
丈去茅營二十步廣坐十五步合祀神靈以璧琮用
辟神道以通廣各三十步竹宮內道廣三丈有闕各
九十一步壇方三丈拜位壇亦如之爲周道郊營之
外廣九步營六甘泉北辰于南門之外日月海東門
之外河北門之外岱宗西門之外爲周道前望之
外廣九步列望遂乃近前望道外徑六十二步壇方
二丈五尺高三尺五寸爲周道列望之外徑九步

卿望亞列望外徑四十步壇廣三丈高二丈 爲周道卿望之外徑九步大夫望亞卿望道外徑二十步壇廣一丈五尺高一尺五寸 爲周道大夫望之外徑九步士望亞大夫望道外徑十五步壇廣一丈高一尺 爲周道士望之外徑九步庶望亞士望道外徑九步壇廣五尺高五寸 爲周道庶望之外徑九步凡天宗上帝宮壇營徑二里周九里營三重通八方 后土壇方五丈六尺茅營去壇十步外土營方二百步限之其五零壇土茅營如上帝五神去營步數神道四通廣各十步宮內道廣各二丈有闕 爲周道后土宮外徑九步營岱宗西門之外河北門之

外海東門之外徑各六十步壇方二丈高一尺 爲周道前望之外徑六步列望亞前望道外三十六步壇廣一丈五尺高一尺五寸 爲周道列望之外徑六步卿望亞列望通外徑二十五步壇廣一丈高一尺 爲周道卿望之外徑六步大夫望亞卿望道之外徑十九步壇廣八尺高八寸 爲周道大夫望之外徑九步士望亞大夫望道外徑十二步壇廣六尺高六寸 爲周道士望之外徑六步凡地宗后土官壇營方二里周八里營再重道四通常以歲之孟春正月上辛上丁親郊祭天南郊以地配望秩山川徧于羣神天地位皆南鄉同席地差在東共牢而食太

祖高皇帝高后配于壇上西鄉后在北亦同席其牢而食日冬至使有司奉祭天神于南郊高皇帝配而望羣陽夏至使有司奉祭地祇于北郊高皇后配而望羣陰天地用牲二燔燎瘞埋用牲一先祖先妣用牲一天以牲左地以牲右皆用黍稷及樂

續漢書劉昭注引黃

圖載元始儀最悉云云如上太平御覽亦引日冬至巳下文今本脫

漢初除秦社稷立

漢社稷其後立官社配以夏禹而不立官稷至平帝

元始三年始立官社之後

右記郊畤今本妄分二條曰園丘曰南北郊曰社

稷而刪元始儀

長安有修池宮

初學記引二宮他書未見疑由字誤故附後

船司空有船庫官後改為縣水經注引

下邳縣并鄭桓帝西巡復之劉昭注引

茂陵本槐里之茂鄉顏師古引

方市初學記引

秦德公自汧徙雍初學記引

陵冢為山文選注引

栲里子葬於渭南章臺之東上十一字以意增在漢長安故

城西史記索隱引

始皇表河以為秦東門表汧以為秦西門太平御覽引

三輔黃圖一卷終



三 輔 舊 事

張 樹 編 輯

本館據二酉堂叢
書本影印初編各
叢書僅有此本

三輔舊事序

唐志地理類有三輔舊事三卷不著纂人名故事類有韋氏三
輔舊事一卷然按漢書郊祀志注引建章宮承露盤仙人掌續
漢書祭祀志注引長安城東靈星祠史記始皇本紀索隱引聚
天下兵器鑄銅人後漢書盆子傳注引長安城中有藁街或稱
三輔故事或稱舊事而初學記菽文類聚諸書亦故事舊事互
引梁劉昭已引其辭唐志題爲韋氏據後漢書韋彪傳肅宗建
初七年車駕西狩行太常數召彪入問三輔舊事禮儀風俗彪
因建言追錄高帝中宗功臣彪著書十二篇號韋卿子然括地
志引討畱事言魏太祖馬驚是舊事未必爲韋氏所著也又文

選西京賦注引建章宮北作清淵溝陶徵士誄注引四皓秦時
爲博士避於上洛熊耳山二事稱三輔三代舊事選注所引位
事祇稱故事舊事無三代二字疑引者誤衍二字耳其書大抵
弁漢宮闕疏三輔宮殿簿漢官典職三輔黃圖漢舊儀漢庶記
同體

三輔舊事

或威張 澍編輯

堯母字慶都配高辛氏而生堯因主人伊長孺爲姓謂之伊者

太平御覽

始皇帝卽佐在渭南作長樂宮橋通二宮表河曰爲秦東門表

汧曰爲秦西門

初學記

初秦都渭北渭南作長樂宮橋通二宮閒表河曰爲秦東門表

汧曰爲秦西門二門相去八百畝渭水貫都曰象天河橫橋南

渡曰象牽牛澶都渭南開北闕曰臨渭渭北則陵唐所在

初學記

始皇表河曰爲秦東門表汧曰爲秦西門中外殿觀百四十五

後宮列女萬餘人婦人之氣上衝於天至胡亥時天下苦秦蕩
元季秦王子嬰降項羽引兵西屠咸陽殺子嬰燒秦宮室火三
月不滅及蕩興曰爲渭城縣屬右扶風

太平寰宇記

橫橋秦造漢承秦制廣六丈南北三百八十步置都水令曰掌

之號爲石柱橋

三輔黃圖

澍按水經注橋之北壘石水中故謂之石柱橋又按橫橋蕩
末董卓燒之

橋廣六丈南北二百八十步六十八間八百五十柱二百一十
梁橋之南有隄繳去石柱咸陽北至九變甘泉南至鄠杜東至
河西至汧渭之交東西八百里南北四百里離宮別館彌山跨

吉輦道相屬木衣綈繡土被朱紫宮人不移樂不改縣窮季忘

寢猶不能徧

北堂書鈔

秦造伯橫橋濊承之置丞令后柱巨南屬京兆巨北屬右扶風

各分其半

太平御覽

澍按初學記引微畧

秦時秦奢渭水貫都巨象天河橫橋南渡巨象牽牛後宮列女
萬有餘人婦人之氣上衝於天縑帳綺帷木衣綈繡土被朱紫

太平御覽

澍按一引秦奢句下云有天下巨來不復是過牽牛句下云

中外殿觀百四十五

秦始皇葬驪山起高陵五十丈下巨水銀爲泉巨明珠爲月中

多文貝

太平御覽

秦於渭南有輿宮渭北有咸陽宮秦昭王欲通二宮之間造橫
長橋三百八十步橋北京石水中舊有村畱神像此神曾弄魯
班語班令其出村畱曰我貌醜卿善圖物容班于是拱手弄語
曰出頭見我村畱乃出首班巨腳畫地村畱覺之便沒水故置
其像于水上唯有腰巨上魏太祖馬見而驚命移下之

括地志

澍按三輔黃圖云渭水貫都巨象天漑橫橋南度巨象牽牛
南有長樂宮北有咸陽宮欲通二宮之間故造此橋廣六丈
南北三百八十步六十八間七百五十柱百二十二梁橋之

南北有堤激大石柱柱南京兆主之柱北馮翊主之有令丞
各領徒千五百人橋之北首壘石水中故謂之石柱橋也舊
有村畱神像此神嘗弁魯班語班令其人出村畱曰我親很
醜卿善圖物容我不能出班于是拱手弁言曰出頭見我村
畱乃出首班于是巨腳畫地村畱覺之便還浞水故置其像
于水惟背巨上去水上後董卓入關遂焚此橋魏或帝更修
之橋廣三丈六尺村畱之像曹公乘馬見之驚又命下之長
樂宮括地志引伯輿宮未知孰是

興樂宮秦始皇造漢修飾之周回二十

玉海引有餘字

里岸殿東西四

十九丈七尺兩序一作

中三十五丈深十二丈長樂宮有鴻臺

臨華殿溫室殿信宮玉海引長秋永壽永寧等四殿高帝始居

此宮後太后常居之孝惠至平帝皆居未央王莽改長樂宮為

長樂室在長安中近東直杜門三輔黃圖

澍按昭帝紀元平元年十一月壬子皇太后歸長樂宮置屯

衛水經杜門北對長樂城南東來第一門也

四皓秦時為博士避於上洛熊耳山文選注

澍按竹書紀季晉烈公三季楚人伐我南鄙至于上洛楚人

注之水經注丹水源出上洛西南楚山管四皓隱于楚山即

此山也

燕太子丹曰秦始皇置高漸離于帳中擊筑太平御覽

曾有犢失母哀鳴甚苦地爲發泉因名鳴犢泉今天旱祭之降

雨在馮翊

水經注
太平御覽

長樂宮有椒房殿有鐘室

五

秦二世欲起凌雲閣於南山齋

太平御覽

樹按北堂書鈔引云秦二世起凌雲閣於南山齋玉海引

此但三輔故事又按三輔黃圖云雲閣二世所造起雲閣欲

於南山齋

太上皇不樂關中思慕鄉里高祖徙豐沛屠兒賣餅商人左爲

新豐縣故一縣多小人

太平御覽

樹按一引屠兒下有沽酒二字

秦始皇聚天下兵器鑄銅人十二各重二十四萬斤漢世在長

樂宮門

文選注

澍按太平御覽引云秦始皇造銅人十枚在大夏殿葺一引云秦作銅人六阿房殿葺漢著長樂宮大廈殿葺又玉溲引云漢徙秦金狄寘長樂宮大廈殿葺又按漢書五行志二十六季有大人長五丈足履六尺皆夷狄服凡十二人見于臨洮故銷兵器鑄而象之謝承後漢書云銅人翁仲其名始皇本紀并五行志均言十二人一引舊事作十枚者誤也

秦王去二十六季初定天下稱皇帝大人見臨洮身長五丈跡長六尺作銅人巨厭之六在阿房殿葺漢移長樂宮大廈殿葺

後漢
菁注

澗按水經注秦始皇二十六季長狄十二見于臨洮長五丈
餘目爲善祥鑄金人十二目象之各重二十四萬斤坐之宮
門之堦謂之金狄皆銘其胸曰皇帝二十六季初兼天下目
爲郡縣正法律同度量大人來見臨洮身長五丈足六尺皆
李斯所書也

阿房宮東西三畧南北五畧庭中可受十萬人車行酒騎行炙
千人唱萬人和其外有城名阿城東西北三面有牆南面無牆
宋敏求
長安志

澗按始皇本紀云東西五百步南北五十丈上可目坐萬人

下可曰建去五丈旗關中記云阿房殿在長安西南二十里殿東西千步南北三百步庭中受十萬人三書所記步畧均不同又按括地志云秦阿房宮亦曰阿城在雍州長安縣西北一十四里正義云宮在上林苑中雍州郭城西南面卽阿房宮城東面也師古云阿近也曰其去咸陽近且號阿房索隱云此曰形名宮也言其宮四阿旁廣也

通天臺或帝元封二年作甘泉通天臺通天者言此臺高通於天也去地百餘丈雪雨悉在其下望見長安城或帝時祭泰一上通天臺驛八歲童女三百人祠祀招仙人祭泰一云令人升通天臺曰俟天神天神既下祭所若大流星乃舉烽當作火而

就竹宮望拜上有承露盤仙人掌擎玉杯巨承雲表之露元鳳
間臺自毀榱桷皆化爲龍鳳隨風雨飛去西京賦云通天渺而
竦峙徑百常而莖擢上辨萼巨交紛下刻隕其若削亦曰倏神
臺又曰望仙臺巨倏神明望神仙也大平御覽

或帝起甘泉通天臺高五十丈

史記正義

澍按高帝本紀元封二年夏佗師古曰通天臺者言此臺高
上通于天也漢舊儀云高三十丈望見長安城

或帝於未央宮起高門或臺殿

玉海

澍按黃圖云未央宮周回二十八里西京雜記云未央宮周
回二十二里九十五步五尺街道周回七十里臺殿四十三

其三十二在外其十一在後宮池十三山六池一山一亦在後宮門闔凡九十五

建章宮北作清淵清淵北有鯨魚刻石爲之

宋敏求長安志

樹按本紀太和元年冬栢梁臺災乃起建章宮又按文選注引云建章宮北作清淵溝

太液池在建章宮北池周回千頃日出暘言浴于咸池至虞淵卽莫此池象之也

太平寰宇記

昆明池地三百三十六頃有百艘樓船上建樓櫓戈船各數十上建戈矛四角悉垂幡葆蓋照燭涯涘池中有豫章臺及石鯨刻石爲鯨魚長三丈母至雷雨常鳴吼鬣尾皆動去石牽牛

織女于池之東曰象天澶

三輔黃圖
數求長安志 宋

澶按太平御覽引作蓋地三百二十五頃程大昌雍錄引作三百二十頃也又按臣瓚曰西南夷傳有越巂昆明國有滇池方三百里遠使求身毒國而爲昆明所閉今欲伐之故作昆明池象曰習水戰在長安西南周回四十里又按元狩三年發謫吏穿之

日出暘言活于咸池至虞淵卽莫此池象之昭帝始元元年春黃鵠下建章宮太液池成帝常曰秋曰杓趙飛燕戲于太液池曰沙棠木爲舟曰雲母飾于鷓首一名雲舟又刻大桐木爲舳龍雕飾如真夾雲舟而行紫桂爲柁棹及觀雪權水玩擲菱藕

帝每憑輕蕩目驚飛燕使飲飛之士目金鎖纜雲舟于波上每
輕風時至飛燕殆欲隨風入水帝目翠縷結飛燕之裾常恐曰
妾微賤何復得預纓結之遊今太液池尚有避風臺卽飛燕結
裾之處

三輔黃圖

澍按玉悔引無觀雲權水至纓結之遊十一句

桂宮內有明光殿

西京賦注

建章宮周回三一十畧殿東起別風闕

一

一起閣

一別

高二十五丈

乘一憑高目望遠張平子西京賦曰栢梁旣災越巫陳方建章

是營用厭火祥營宇之制事兼未央又於宮門北起圓闕高二

十五丈上有銅鳳皇赤脊賊壞之西京賦云圓闕聳目象天若

雙闕之相望設壁門之鳳闕上觚棱而棲金爵是也

文選注

澍按玉洧引云鳳皇闕武帝造二十五丈五尺一名別風闕
又曰嶠嶢闕門內二百步武帝本紀太初元季冬十有一月
乙酉栢梁臺災春二月起建章宮

瀛靈星祠在長安城東十里

太平御覽

漢太學在長安門東直杜門去五經博士員弟子萬餘人學中
有市有獄光武東遷學乃廢

太平御覽

澍按直一引作十里二字又誤作書又按玉洧引云瀛太學
中有市有獄在長安門書社門去五經博士員弟子萬餘人

漢文帝霸陵不起山陵稠種栢樹

太平御覽

漢諸陵皆屬太常不屬郡縣其人盜栢者棄市

初學記

太平御覽

漢伶靈臺曰四孟月登而觀之黃氣爲疾病赤兵黑水

太平御覽

成帝伶延陵及起廣寶將軍有青竹田在廣南恐犯陷之言伶

陵不便乃徙伶昌陵取土十餘畧土弁粟同價

太平御覽

澍按水經注鴻嘉元季于新豐戲鄉爲昌陵縣曰奉初陵永

始元季詔曰昌陵卑下客土疏惡不可爲萬歲居其罷陵伶

令吏民反故徙將伶大匠解萬季敦煌關中記曰昌陵在霸

城東二十畧取土東山弁粟同價所費巨萬積季無成

洛女冢南有洛陂信號曰洛女陂

太平寰宇記

鄧禹敗於潼關後大破赤眉於嶠

太平御覽

江充爲銅人長尺呂鍼刺其腹埋太子宮中曉醫術因言其事

太平御覽

衛太子獄鼻太子來省疾至甘泉宮江充告太子勿入陛下有

詔惡太子獄鼻當呂紙蔽其鼻充語成帝曰太子不欲聞天子

臞鼻故蔽鼻成帝怒太子太子忝還

太平御覽

成帝發兵攻衛太子連鬪五日白虎闕埽溝中血沒足

太平御覽

長安城中八街九陌滻丞相劉屈氂妻臯嘗寧陽街京兆尹張

敞忸馬章臺街陳湯斬郵支王嘗縣藁街

太平寰宇記

長安城中八街九陌間里一百六十室居櫛比門巷修直

玉海

長安有藁街甘延壽陳湯上疏云斬郵支嘗及名王呂下宜縣

管藁街及蠻夷邸門

太平御覽

澍按劉盆子傳注引云長安城中有藁街

長安八街九陌有香室街夕陰街尚冠冢街漢書劉屈氂妻臯
管寧陽街京兆尹張敞走馬章臺街陳湯斬郅支王肯綮藁街
張衡西京賦云參塗夸庭街衢相經厘里端直藁宇齊平是也

三輔黃圖

澍按玉海引無張衡西京賦五句

長安市有九各方二百六十六步六市在道西三市在道東凡
四里爲一市致九州之人在突門夾橫橋大道市樓皆重屋又
曰旗亭樓在杜門大道南又有當市樓有令署巨察商賈貨財

買賣貿易之事三輔都尉掌之直市在富平津西南二十五里
秦文公造物無二價故曰直市爲名班固西都賦云九市開場
貨別隧分張衡西京賦云廓開九市通闕帶闐旗亭五重俯察
百隧是也又有柳市東市西市郡國志長安大俠萬子夏名章
居柳市史記司馬季主卜於東市鼂鎰鞞服斬于東市

三輔黃圖

澍按初學記引長安有九市一句

長安城面三門四面十二門皆通達九達曰相經緯衢路平正
可並列車軌十二門三塗洞闕隱曰金椎周曰林木左右出入
爲徃來之徑行者升降有上下之別班固西都賦曰披三條之
廣路六十二之通門張衡西京賦云城郭之制則旁開三門參

塗夷庭方軌十二街衢相經廛里端直甃宇齊平是也

太平御覽

澍按水經注玉海引作三輔決錄者非是

長安城方六十三里經緯各二十里形似北斗也

史記索隱

澍按漢舊儀長安城中經緯各長三十二里十八步地九百七十二頃八街九陌三宮九府三廡十二門九市十六橋又按黃圖云長安城高帝修惠帝更築高三丈五尺濶丈五尺上濶九尺雉高三板周回六十五里城南爲南斗形北爲北斗形至今人呼爲斗城

長安城南爲南斗形城北爲北斗形

宋敏求長安志

或帝於槐里之茂鄉徙戶一萬六千置茂陵高一十四丈一百

步茂林園有鶴觀

三輔黃圖

澍按在長安城西北八十里建元二年初置茂陵邑本槐里縣之茂鄉故曰茂陵周回三里又按漢武故事曰帝崩後見形謂陵令薛平曰吾雖失軀猶爲汝君奈何令吏卒上吾陵磨刀劍乎自今日後可禁之平頓首謝因不見推問陵旁果有方石可目爲礪吏卒嘗濫磨刀劍

樂游原在曲江西北

史記注

澍按關中記云宣帝立廡于曲江之北號樂游按其處則今之所呼樂游廡者是也蓋本爲樂游苑後因立廡

未央宮有延季殿合歡殿回車殿

太平御覽

澍按黃圖引作三輔決錄今改正

商山四皓所隱漢惠帝為四皓立碑於其所隱處

東觀餘論

澍按高士傳曰高車山上有四皓碑及祠皆漢惠帝所立也

高帝使張敖詣南山迎四皓之處因名為高車山

哀帝崩王莽奏發傳太后冢呂籛條暴屍還定陶

太平御覽

姜泉在岐山

水經注

澍按酈道元云安帝長于姜水即此又太平御覽引山下有

縣字

龍臺高六丈去豐水縣五里漢時龍見陂中故作此臺

史記正義

滕文公墓在飲馬橋東大道南信謂之馬冢

史記索隱

澍按初學記引云漢丞相夏侯嬰墓在飲馬橋東大道南今
信人謂之馬冢也水經注澨太尉夏侯嬰葬曰柩馬悲鳴輕
車罔進下得石槨銘云于嗟滕公居此室故遂葬焉又按長
安圖漢時七里渠有飲馬橋

栢梁臺高二十丈用香栢爲殿梁香聞十里

太平御覽

澍按玉溝引栢梁臺高二十丈一句又按蘇鶚演義云漢成
帝伯栢梁殿有上疏者云蚩尾水之精能辟火災可置之殿
堂今人多作鴟宇

栢梁臺曰香栢爲梁也成帝嘗置酒其上詔羣臣和詩能七言
詩者乃得上

玉溝

樹按史記元鼎二年春起栢梁臺若登臺賦詩乃元封三年也五行志太初元年十月栢梁臺災也

漢文帝遣將軍周亞夫屯細柳今呼后徼是也

王

太液池北岸有石魚長三丈廣五尺西岸有石龜二枚並長六

尺

王

樹按顏師古漢書注引作三輔故事又按一引三丈作二丈廣作高二枚作三枚

蓬苑中有柳狀如人形號曰人柳一日三眠三起

藝文類聚

筐藻相距于京索間六季身被大創十二矢石通中過者有四

索隱

集靈宮集仙宮存仙殿存神殿望仙臺俱在寧陰縣界皆成帝宮觀名也晉有太元真人茅盈內記始皇三十一季九月庚子盈曾父濛于嶠山乘雲駕龍白日昇天或帝卽其地造宮殿歲

時祈禱焉

北堂書鈔

澍按漢書寧陰有集靈宮

高唐鐘重十二萬斤

白氏六帖

澍按關輔記云秦唐鐘四枚皆在漢高祖廟中漢舊儀云高祖廟鐘十枚各受十石撞之聲聞百里

章門一曰光雩門又曰僂門

三輔黃圖

澍按等一引作畢長安城西出南頭第一門曰章城門漢書

成帝元延元年章城門門北自王莽改名萬秋門師古曰
便門長安城北面西頭門卽平門也古平便皆同字

長安城西門曰便門

一作橋

橋北弁門對因號便橋

三輔黃圖

澍按三輔黃圖引作三輔決錄空是舊事中語今改入又按
橋爲成帝建元三年造張昌曰橋在長安西北茂陵東如淳
曰去長安四十里

太上皇微時佩一刀長三尺上有銘字難識傳云殿高宗伐鬼
方時所作也高祖目之斬白蛇及定天下藏于寶庫守藏者見
白氣如雲出戶狀若龍蛇呂后改庫曰靈金藏惠帝卽伏目此

庫貯禁兵器名曰靈金內府

北堂書鈔

潼關關因水得名水去關一里左傳晉侯使詹嘉處瑕目守桃

林之塞卽此

寰宇記

尖冢是子楚母冢

宋敏求長安志

澍按子楚母卽夏太后史記呂不韋傳夏太后別葬杜東正義曰夏太后陵在萬季縣東南二十五里宋氏呂舊事說爲非

清城門內大鐘二枚各重萬鈞

玉海

后從帝行幸於甘泉宮居長定宮孝成許皇后廢處昭臺宮歲餘徙長定宮

澍按黃圖引佗三輔決錄今改入舊事

晉有太元真人茅盈內記始皇三十一年九月庚子盈曾祖父
 濛於嶺山乘雲駕龍白日昇天先是邑人謠曰神仙得者茅初
 成駕龍上昇入太清時下元洲入赤城繼世而往在我盈帝若
 學之臘嘉平

三輔黃圖

王莽夢大厦殿葺五銅人語莽惡之斧斫開銅人腹

太平御覽

澍按水經注地皇二季王莽夢銅人込惡之念銅人銘有皇
 帝初兼天下文使尚方工鑄滅所夢銅人曆文

更始遣將軍李裕攻王莽屠兒賣餅者皆從之屠兒杜虞手殺

莽故其時所授官皆屠沽之輩也

北堂書鈔

澍按王莽傳稱商人杜吳殺莽吳虞古字通東觀記亦作杜

虞又太平御覽引無末二句又按王莽傳校尉公賓就斬莽
皆軍人分裂莽身支節肌肉齧分後漢書注引三輔舊事云
齧切千段後漢書注城中少季子弟張魚等攻莽于漸臺商
人杜吳殺莽校尉公賓就斬莽皆將軍申屠建等傳莽皆詣
宛



三 輔 故 事

張 澍 編 輯

本館據二酉堂叢
書本影印初編各
叢書僅有此本

三輔故事序

按隨書經籍志三輔故事晉世纂二卷唐志則云三輔故事纂
自袁郊其言亦無左證然諸書舊事故事互引莫得而縷分之
今就所引別錄各爲卷帙巨備省覽

三輔故事

成威 張澍 編輯

文王成王周公召公皆葬畢陌南

北太平御覽

澍按太平寰宇記引無召公二字

周后稷居郃公劉遷豳

初學記

天祿后渠閣在未央大殿北目藏秘書

後漢書注

澍按西都賦注引云后渠閣在大秘殿北目閣秘書又引云

天祿閣在大殿北目閣秘書又按漢宮闕疏天祿閣蕭何造

目藏秘書處賢才也劉向於成帝之末校書天祿閣專精覃

思夜有老人著黃衣植青藜杖叩閣而進見向暗中獨坐誦

書老父乃斂杖端煙然因目見向授五行洪範之文恐詞說繁廣忘之乃裂裳及紳目記其言至曙而去請問姓名云我是太乙之精天帝聞而命金之子有博學者下而觀焉乃出懷中竹牒有天文地圖之書曰余略授子焉至子歆從授其術向亦不悟此人焉

石渠閣在未央宮殿北甘露中五經諸儒雜論於石渠閣

太平御覽

澍按石渠蕭何造其下隴石爲渠目導水若今御溝因爲閣名所藏入關所得秦之圖籍至成帝又於此藏秘書焉

天祿閣石渠閣在大殿北目藏秘書又畫賢臣像凡二十人霍

光弟一蘇成弟十二

後漢書注
太平御覽

澍按太平御覽引二十八人作十二人爲是又按漢書宣帝思股肱之美乃圖霍光等十二人於麒麟閣此言在天祿石渠應是脫麒麟閣三字

建章宮闕上有銅鳳皇

西都賦注

澍按漢書注引云建章宮其闕圍上有銅鳳皇宮殿疏云建章宮東有鳳闕高二十餘丈楊震古語云信謂鳳皇闕爲玉女樓

建章宮東有折風闕

西都賦注

澍按關中記折風闕一名別風闕卽鳳皇闕一名嶠嶠闕在閭闔門內曰其出宮垣識風從何處來曰爲闕名也

建章宮北作清淵海

西都賦注引作三輔三代舊事

建章宮承露盤高二十丈大七圍其銅為之上有仙人掌承露

和玉屑飲之蓋張衡西京賦所云太修堊之仙掌承雲表之清

露屑瓊藥其膳餐必性命之可度是也

并漢書注菽文類聚

澍按菽文類聚引云建章宮漢成其銅作承露盤高二十丈

大十圍未有欲其求仙也句長安記魏文帝徙銅盤折聲

聞數十里宋書五行志作魏明帝又按後漢書注引無屑瓊

藥二句

未央宮東有蒼闕北有平或闕

菽文類聚太平御覽

未央宮崑有東山臺西山臺釣臺倉池中有漸臺

後漢書注太平御覽

澍按舊圖云倉池言池水蒼色也三輔黃圖漸或爲澁字澁亦浸也宋敞求引有西山臺字据補

桂宮周遭十餘里內有複道橫北渡西至神明臺

初學記

澍按漢宮闕疏云神明臺高五十丈上有九室恒置九天道士百人師古云神明井幹俱高五十丈水經注未央宮北卽桂宮也周十餘里內有明光殿忝狗臺柏梁臺舊乘複道用相逕通故張衡西京賦云鈎陳之外閤道穹窿屬長樂昇明光逕北通於桂宮

桂宮周匝十里內有光明殿忝狗臺土山縈複道橫北度從宮

中西上城至神明臺

太平御覽
藝文類聚

漸臺高三十丈南有璧門三層高三十餘丈中殿十二閒階陛

咸曰玉爲之鑄銅鳳皇高五丈飾以黃金西

水經注作樓

屋上椽皆

薄以玉璧因曰璧玉門也

五海

澍按武帝故事曰建章宮北有太液池池中有漸臺三十丈

漸浸也言爲池水所漸一說漸臺星名也

通天臺武帝時祭太乙上通天臺齋八歲童女三百人祠祀招

仙人祭泰一云令人升通天臺以候天神天神既下祭所若大

流星乃舉烽

宣作權

火而就竹宮望拜上有承露盤仙人掌擎玉

杯以承雲表之露元鳳閒臺自毀榱桷皆化爲龍鳳隨風雨飛

去西京賦云通天眇而竦峙徑百常而莖擢上辨弩以交紛下

刻隕其若削亦曰候神臺又曰望仙臺曰候神明望神仙也

五海

昆明池地三百三十二頃中有戈船各數十樓船百艘船上建

戈矛四角悉垂幡旛旒葆麾蓋照灼涯涘

五海

澍按漢成帝元狩四季穿昆明池在長安西南周回四十里

西南有傳曰天子使使求身毒國而爲昆明所閉天子欲伐

之昆明國有滇池方三百里故作池目象之曰習水戰因名

曰昆明池漢書曰元狩三季滅隴西北地郡戍卒之半及吏

弄法者謫之穿此池又唐記曰池中後作豫章大船可載萬

人上起宮室因欲遊戲養魚目給諸陵祭祀餘付長安尉西

京雜記作付長安市賣之

昆明池中有豫章臺及石鯨刻石爲鯨魚長三丈母至雷雨常
鳴吼鬣尾皆動一說甘泉宮南有昆明池池中有靈波殿皆曰
桂爲殿柱風來自香又曰池中有龍首船常令宮女汎舟池中
張鳳蓋建竿旗作權歌雜巨鼓獻帝御豫章觀臨觀焉關輔古
語曰昆明池中有二石人左牽牛織女於池之東西巨象天河
張衡西京賦曰昆明靈沼黑水乎址牽牛去其右織女居其左
今有石父石婆神祠在廢池疑此是也成帝初穿池得黑土帝
問東方朔朔曰西域胡人知之乃問胡人胡人曰劫燒之餘灰
也

裁文
類聚

成帝作昆明池巨習水戰後昭帝小不能復征討於池中養魚

呂給諸陵祠餘付長安市魚乃賤

初學記

澍按唐記作餘付長安尉

漢成帝作昆明池成帝崩後於池中養魚呂給諸陵祠餘付長

安市池有二石人如牽牛織女像

太平御覽

獅子園在建章宮西南

太平御覽

漢祭園丘儀上帝佐正南面后土佐兆亦南面而少東

唐會要

澍按唐禮儀志賈會議引同會要而路史引云祭於園丘上

帝后土皆南面疑有舛錯

漢作靈臺於城東作靈沼於澧水之東常呂四孟之日登臺而

觀

太平御覽

澍按括地志云靈臺高二丈周回百二十步又按靈臺在長安西北八里漢始曰清臺本爲候者觀陰陽天文之變更名靈臺郭緣生述征記長安宮南有靈臺高十五仞上有渾儀張衡所制又有相風銅烏遇風乃動有銅表高八尺長一丈三尺廣尺二寸題曰太初四季造

光武至長安宮闕燒盡徙都洛陽取十二陵合爲高唐作十二

室太常卿一人別治長安主知齋祠事謂之高唐

太平御覽

澍按玉海引云光武至長安曰宗廟燒蕩爲墟乃徙都雒陽聚十唐合於高唐作一唐分爲十二室太常卿一人別治長安主知一作專掌高唐事高唐有便殿凡言便殿便室便坐者皆

非正大之處所，目就便安也。宋敏求引云：見宮闕盡廢，宗廟爲墟。乃徙都云云。又按漢禮制度曰：光或都洛陽，乃合高祖。目下至平帝爲一廟，藏十一帝主於其中。元帝次當八，光或弟九，故去。元帝爲祖廟，後遵而不改。後漢書：光或紀赤眉焚西京宮室，發掘園陵，寇掠關中。大司徒鄧禹入長安，遣府掾奉十一帝神主納於高廟。

太上皇廟在香街南，高廟在長安城門街東，太常街南。太平御覽

澍栢街一引作寺。

上自封禪後，夢高祖坐明堂，羣臣亦夢見。於是祀高祖於明堂。

目配天，還作高祖館。北堂書鈔

胡巫事九天於神明臺

史記索隱

澍按孝成本紀云去九天唐於甘泉淮南子云中央曰鈞天

東方曰蒼天東北曰旻天北方曰乎天西北曰幽天西方曰

皓天西南曰朱天南方曰炎天東南曰陽天是為九天也正

義曰太平經云一中天二美天三徙天四罰夏天五辟天六

郭天七咸天八治天九成天也

龍臺高六丈去豐水縣五里

菽文類聚

東山臺西山臺鈞臺

玉澗

王莽起九層為銅鑄櫨

太平御覽

澍按水經注王莽地皇元年博徵天下工匠壞榑西苑建章

諸宮館十餘所取材瓦礫起九廟算及吏民曰義入錢穀助成九廟廟殿皆重屋太初祖廟東西南北各四十丈高十七丈餘廟半之爲銅罇櫨飾以金銀雕文窮極百工之巧禡高增下功費數百巨萬卒死者萬數又按九廟者黃帝太初祖廟帝虞始祖昭廟陳胡王統祖穆廟齊敬王世祖昭廟濟北愍王祖穆廟凡五廟不墮又濟南伯王尊禰昭廟元城孺王尊禰穆廟陽平頃王威禰昭廟新都顯王威穆廟也顏師古云構櫨柱上枅卽今所謂楹也

長樂宮中有魚池酒池池上有肉炙樹秦始皇造蓬或行舟於池中酒池北起臺天子於上觀牛飲者三千人又曰威帝伯曰

夸羌胡飲巨鐵盃重不能舉皆抵牛飲西征賦云酒池監於商

辛追覆車而不悟

太平御覽

上林北至甘泉九巘南至長楊五柞連縣四百餘里

西京賦注

澍按西都賦注引云上林連縣四百餘里又按灋上林苑卽

秦之舊苑也灋書云成帝建元三年開上林苑東南至藍田

亓春鼎湖御宿昆吾苑南山而西至長楊五柞北繞黃山頗

渭水而東周表三百里離宮七十所皆容千乘萬騎灋宮殿

疏云方三百四十里灋舊儀云上林苑方三百里苑中養百

獸天子秋冬射獵取之帝大修上林苑羣臣遠方各獻名果

異卉三千餘種植其中亦有製爲美名目標奇異

潁諸陵皆屬太常不屬郡縣其人盜栢者弃市

初學記

長安城東十里有靈星祠

後漢書注

衛太子大鼻或帝病太子入省江充曰上惡大鼻當持紙蔽其

鼻而入帝怒

北堂書鈔

澍按大鼻太平御覽引佗嶽鼻

婁敬曰臣願爲高車使者持節徃至匈奴庭昇其分土定界至

曰汝本處北土之濱秦亂汝侵其界不居中國地今昏姻已成

當還本牧還我中國地汝佗丹書鐵券曰自海自南冠蓋之士

處焉自海自北控弦之士處焉割土盟子然後還

太平御覽

澍按北堂書鈔引云婁敬爲高車使者持節至匈奴昇分地

界作丹書鐵券書曰洧曰南冠蓋之士處焉洧曰北控弦之士處焉此文有詳畧且曰婁敬之言爲叙事兩有違異

高祖被十創十二矢石中通者四卒曰征英布中流矢崩

史記集解

漢文帝遣大將軍周亞夫軍於細柳今呼石徼是也石徼西有細柳倉城東有嘉禾倉樊噲傳柳中卽細柳地也在長安西

漢書

注

澍按宋敏求長安志引云周亞夫軍於細柳今石徼是也石徼西有細柳倉城東有嘉禾倉

細柳在直城門外阿房宮西北

史記索隱

澍按漢書河內太守周亞夫爲將軍次細柳注服虔曰在長

安西北如淳曰長安細柳倉在渭北近石繖張揖曰在昆明池南今有柳市是也師古曰匈奴傳云置三將軍軍長安西細柳渭北棘門灃上此則細柳不在渭北明矣當如揖說在昆明池之南者也續郡國志長安有細柳聚書周亞夫所屯處元和志細柳營在萬年縣東北三十里相傳云周亞夫屯軍處今按亞夫所屯在咸陽縣西南二十里灃原倉也亞夫軍次細柳卽此是也張揖云在昆明池南恐爲疏遠

弄田在未央宮中

太平御覽

澍按昭帝紀注臣瓚引佗西京故事

漢丞相夏侯嬰墓在飲馬橋東大道南今信人謂之馬冢也

初學

記北
堂書鈔

澍按博物志云公卿送嬰葬至東都門外馬不行掬地悲鳴
得后槨有銘曰佳城鬱鬱二千季見白日于嗟滕公居此室
乃葬之

成帝時後宮八區有昭陽飛翔增城合歡蘭林披香鳳皇鴛央
等殿後有增修安處常寧滹若椒風發越蕙草等殿

澍按太平御覽引作三輔決錄其文但故事今移入

后從帝行幸甘泉宮居長定宮長門宮在長安城孝成陳后居
之昭臺在上林苑中孝成許皇后廢處昭臺宮歲餘徙長定宮

澍按玉海引作三輔決錄者非今入故事中

西曰散關爲界東曰函百爲界南曰武關爲界北曰蕭關爲界

四關之中謂之關中

史記索隱

澍按何孟春注李東陽樂府引云漢都咸陽東有函百關南有嶢關西有散關北有蕭關咸陽居四關之中故曰關中昇此微異

大廈殿始皇造銅人十枚在殿昇

西京賦注玉海

澍按西京賦注引作三輔三代故事無昇字玉海引有據補關中記銅人曾昇名皆李斯蒙恬所書

秦始皇上林苑中作離宮別館一百四十六所不足曰爲大會羣臣二世胡亥起阿房殿東西三畝南北三百步下可建五丈

旗在山之阿故號阿房也

西京
賦注

始皇后葬用大蠶二十箔

太平
御覽

秦始皇葬驪山起高陵五十丈下目水銀為泉目明珠為月中

多文貝

太平
御覽

秦始皇葬驪山明月珠為日月水銀為江海金銀為鳧鶴又刻

玉石為栢栢

北堂
書鈔

澍按一引江伯大鶴伯雁

秦始皇葬驪山起陵高五十丈下涸三泉周回七百步目明珠

為日月人魚膏為脂燭金銀為鳧雁金蠶三十箔四門施微奢

侈太過六季之閒為項籍所發牧芋兒墜芋芻中然火求芋燒

其郭穢

太平御覽 宋 敬求長安志

澗按初學記引陵作墳涸作周步作丈明下有日字脂作盤

句下有水銀為大溝五字未引金蠶目下數句

驪山在長安東北三十里

太平御覽

秦始皇時隱宮之徙至七十二萬所割男子之鬣高積成山史記

集解

楊震改葬寧陰潼亭先葬十餘日有大鳥高丈餘集震喪岸悲

鳴葬畢始飛去時人刻石像鳥左於墓岸

北堂書鈔

澗按一引未有云昇苻秦丞相王猛墓相近非故事本文今

芟刪

金日磾字翁叔封秬侯有忠勤之節七葉侍中

初學記

澍按此宜是三輔決錄徐堅引但三輔故事姑仍之



兩京新記

章述撰

本館叢書集成初編所選佚存
叢書及粵雅堂叢書皆收有此
書粵雅本覆刻佚存故據佚存
本影印

兩京新記卷第三

唐 韋 述 撰

卷首
殘闕

京城之壯觀寺內有碑面文賀蘭敏之寫金剛經陰文寺僧懷仁集王羲之書寫太宗聖教序及高宗述聖記爲時所重

次東曰輔輿坊東南隅金仙女官觀

景雲二年睿宗第八女西城公主及第九女昌宗公主竝出家爲立二觀改西城爲金仙昌宗爲玉真乃以公主湯沐邑爲二觀之口制度造爲京城之華麗口

西南隅玉真女官觀

本工部尙書莘國公寶誕宅武太后時以其地爲崇先府景雲二年爲玉真公主立爲觀事源物制與金仙同此二觀南街東當皇城之安福門西出京城之開遠門車馬往來寔爲繁會而二觀門樓綺榭聳對通衢西土夷夏自遠而至者入城遙望
窅若天中

次南曰頒政坊南門之東龍興寺

貞觀五年太子承乾所立西北隅本隋之慧雲寺舊有佛殿今見在有鄭法輪之書跡

十字街東之北建法尼寺

隋開皇三年坊人田通所立隋文帝初移都便出寺額一百枚於朝堂下制云有能修造任便取之通孤貧孑然唯有環堵之室乃發憤詣闕請額而還置於所居柴門甕牖上穿下漏時陳臨賀王叔教母與隣居又捨宅以足之其寺口漸營建也十字街北之東澄空尼寺

本工部尙書段綸之祖廟貞觀十七年立爲真空寺武太后改爲澄空寺

西北隅大崇福觀

本楊士宅咸亨中爲太平公主立有道士劉寶概者京兆三原人善講論爲時所重垂拱中卒御史中丞李嗣真臨弔哭賦詩申意

次南曰布政坊西門之南法海寺

本隋江陵總管清水公賀稷華宅開皇七年爲□沙門法海捨宅奏立爲寺因以法海爲名咸亨元年寺內有英禪師□□見鬼寺主沙門惠簡嘗日晚見二人行不踐地入英房中惠簡怪而問之英曰向秦莊襄王遣人傳語飢虛甚久以師大慈從師乞一殮并從者三百許人勿辭勞費也吾已報

云後日晚食當來專相候也惠簡便以酒脯助之
至時秦王果至侍從甚衆貴賤羅列食甚急謂英
曰弟子不食八十年矣英問其故答曰吾生時未
有佛法地下見責功德吾但以放赦矜恤應之以
福薄受罪未了受此一殮更□年矣因指坐上人
曰此是白起此是王翦爲殺人多受罪未了又指
一人云是陳軫爲多虛詐亦受罪未了英曰王何
不從索食自受飢窘答曰慈心人少且餘人又不
相見吾貴人又不可妄作禍祟所以然也因指酒
脯曰寺主將來耶深有所媿臨去謂英曰甚媿禪

師弟子有物在卽這相償城東通化門尖冢是弟子墓俗人不知妄云呂不韋冢英曰往遭赤眉發掘何得更有物在鬼曰賊將龜物去好者深藏取不得今見在英曰貧道出家無用物處必莫將來言訖揖謝而去

北門之東濟法寺

隋開皇二年沙門法藏所立

十字街東之北明覺尼寺

本隋御史大夫裴蘊宅開皇中太保河間王弘立爲寺開皇七年鑄鐘未擊自鳴散騎常侍元行冲

以贊其事焉

東北隅右金吾衛西南隅胡祆祠

武德四年所立西域胡天神佛經所謂摩醯首羅也

次南曰延壽坊南門之西懿德寺

隋開皇六年刑部尙書萬安公李圓通所立神龍元年中宗爲懿德太子追福重加飾爲禪院內有大石曰重五百斤隋末鄠縣人開法通自終南社來法通少出家初極怯劣同侶輕之乃發憤乞願壯健晝夜不捨後因晝寐樹下口中涎沫流出三

升其母驚遽呼覺通曰忽夢大人遺三馱飭使通
噉之適噉一馱便驚悟耳自爾健壯特異試舉大
木石不以爲困此寺僧行戡本稱膂力通遂竊其
袈裟舉堂柱以壓之行戡望見驚異盡力莫能取
之通乃徐舉柱以取衆大駭通力兼百人時人咸
服以爲神力

次南曰光德坊東南隅京兆府廨

後魏武光四年置府內廨宇竝隋開皇中制度其
後隨事改作開元元年孟溫禮爲京兆尹奏以贖
贖錢修理繕緝焉

西南隅勝光寺

本隋幽州總管燕榮宅寺西院有畫行僧及團花
貞觀初中口令王定所寫爲京城所重

十字街東之北慈悲寺

武德元年高祖爲沙門曇獻所立初曇獻屬隋隋
末飢饉常以賑給貧乏爲事故以慈悲爲名

次南曰延康坊西南隅西明寺

本隋尙書令越國公楊素宅大業中素子玄感誅
後沒官武德初爲萬春公主宅貞觀中賜濮恭王
恭王死後官市立寺寺內有楊素舊井玄感被誅

家人以金投井後人窺見鉤汲無所獲今寺衆謂之靈井在僧廚院內初楊素用事隋朝奢僭過度製造珍異資貨儲積有美姬木陳太子舍人徐德言妻卽陳主叔寶之妹才色冠代在陳封樂昌公主初與德言夫妻情義甚厚迨陳氏將亡德言垂泣謂妻曰今國破家亡必不相保以子才色必入帝王貴人家我若死幸無相忘若生亦可不復相見矣雖然其爲一信乃擊破一鏡各收其半德言曰子若入貴人家幸將此鏡合於正月望日市中貨之若存當留誌之可卜生死及滅陳其妻果爲

隋軍所沒隋文以賜素深爲素所寵嬖爲營別院
恣其所欲陳氏後令閹奴望日賫破鏡詣市務令
高價果值德言德言隨價便酬引奴歸家垂涕以
告其故并取己片鏡合之及寄其妻題詩云鏡與
人俱去鏡歸人不歸無復姮娥影空餘明月輝陳
氏得鏡見詩悲愴流淚因不能飲食素怪其憔悴
而問其故具以事告素憮然爲之改容使召德言
還其妻并衣衾悉與之陳氏臨行素邀令作詩敘
別固辭不免乃爲絕句曰今日何遷次新官對舊
官笑啼俱不敢方驗作人難時人哀陳氏之流落

而以素爲寬惠焉

東南隅靜法寺

隋開皇十年右武侯大將軍陳國公竇機立西院
中有木浮閣機弟璉爲母戚安公主立高一百五
十尺皆伐機園梨木充用焉

次南曰崇賢坊十字街北之西大覺寺

開皇三年文帝鑿人周子祭所立子祭家代方術
深爲隋主所重其地本祭之佛堂也

西門之南法明尼寺

開皇八年長安富商王道寶捨宅所立

次南曰延福坊西南隅紀國寺

開皇六年獻皇后爲母紀國夫人崔氏所立也

東南隅鄴王府

舊新都寺寺廢今爲鄴王府

次南曰永安坊次南曰敦義坊次南曰大通坊次南曰大安坊

坊南街抵京城之東面

右皇城西之十三坊

朱雀街西之第四街卽皇城第三街街西從北第一曰安定坊東南隅千福寺

本章懷太子宅咸亨四年捨宅立爲寺

西南隅福林寺

武德元年所立

東北隅五通觀

隋開皇八年爲道士焦子順所立子順能馭使鬼神受諸符錄預告隋文受命之應及卽位授上開府永安公徐州刺史固辭常諮謀軍國每出卧帝恐其往還疲頓令選近於此立觀仍以五通爲名焉

次南曰休祥坊東北隅崇福寺

本開府儀同三司觀國公楊恭仁宅咸亨元年以武皇后外氏故宅立之

東南隅萬善尼寺

周宣帝大象二年立開皇二年度周氏皇后嬪御以下千餘人爲尼以處之也

寺西昭成尼寺

先天二年爲昭成皇后立爲昭成寺

次南曰金城坊

本漢博望苑之地初移都割以爲坊百姓分地板築土中見金欲取便以事上聞隋文曰此朕之金

城之化因以金城爲坊名

北門有漢戾園

卽戾太子史良娣墓宣帝改葬於此其地本曰亭園東南漢博望苑

漢武帝爲戾太子立本口門外道之東也

東南隅開善尼寺

隋開皇中宮人陳宣華蔡容華二人所立

西南隅會昌寺

義寧元年義師入關太宗屯兵於此武德元年因立此寺

十字街之東南樂善寺

開皇六年尉遲迥孫大師爲其祖所立焉

次南曰醴泉坊

開皇初築此坊忽聞金石之聲因掘得甘泉七所
飲者疾愈因以名坊及寺焉

西南隅三洞女官觀

隋開皇七年所立也

觀北妙勝尼寺

開皇三年周平原公主所立

十字街北之西醴泉寺

初隋文置此醴泉監以甘泉水供御開皇十三年廢監立寺焉

十字街南之東波斯胡寺

儀鳳二年波斯王畢路斯奏請於此置波斯寺

西北隅穉祠次南曰西市

隋曰利人市南北盡兩坊之地隸太府寺市內店肆如東市之制市署前有大衣行雜糶貨賣之所記言反說不可解識市西北有溝池以爲放生之所池則有佛堂皆沙門法成所造市署前有市令載敏碑蒲州司兵徐彥伯爲其父也

次南曰懷遠坊東南隅大雲經寺

開皇四年文帝爲沙門法經所立

寺內有二浮閣東西相值

隋文帝立塔內有鄭法倫田僧亮揚契丹畫跡及巧工韓伯通所作佛像故以三絕爲名

十字街東之北功德尼寺

隋開皇七年周宣帝女細腰公主所立武德中移於此

次南曰

下闕四行

成當往及經畢開元四年八十一卒給事中裴子
餘爲其碑文左衛長史郭謙光八分書之

次南曰永遠坊次南曰道德坊

隋有澄虛觀武德中廢

次南曰光行坊次南曰延祚坊

坊南街抵京城之南

右朱雀街西九坊

朱雀街西第二街此當皇城南面之含光門街西從

此第一曰太平坊西南隅温國寺

景龍九年煬帝爲温主立寺內淨土院爲京城之最妙

西門之北定水寺

隋開皇十年荊州總管上明公楊紀爲禪師慧能所立

東南隅舒王口名宅

今爲戶部尙書尹思貞居之

次南曰通義坊西南隅興聖尼寺

高祖潛龍舊宅武德元年以爲通義宮六年高祖

臨幸大宴羣臣引見隣里父老頒賜有差貞觀元年立爲寺高祖寢堂今見在景雲二年寢堂前枯柿樹忽更生枝條鬱茂如故有勅封植焉

次南曰興化坊西南隅空觀寺

隋開皇七年右衛大將軍駙馬都尉洵陽公元孝矩捨宅立

西門之北今邠王守禮宅

宅南隔街有邠王府

次南曰崇德坊西南隅崇聖寺

隋仁壽元年秦孝王俊捨宅所立

東北隅證果尼寺

隋開皇二年立

次南曰懷真坊西南隅御史大夫樂思晦宅次南曰宣義坊次南曰豐安坊次南曰昌明坊次南曰安樂坊

坊南街抵京城之南面

右朱雀街西第二街九坊

朱雀街西之第三街卽皇城西之第一街

南出安化門北出芳林門入苑

街西從北第一曰循德坊西北隅興福寺

本左領軍大將軍彭國公王君廓宅貞觀八年太宗爲穆皇后竇氏追福立制度華麗焉武太后移住東都至坊北隅有牛住不行牽□益重其尼拜咒便動至都置於天堂供養後天堂災因是燼滅次南曰通軌坊次南曰歸義坊全一坊隋蜀王秀宅隋文帝以京城南面闊遠恐竟虛廢乃使諸子竝於南郭立第時秀有寵封土殷富起第最華今周圍舊迹見在秀死後□宮今爲家令寺園

次南曰昭行坊

坊南街抵京城之南面

右皇城西之第二街之十一坊及西市

朱雀街西第五街卽皇城西第三街街西從北第一曰修真坊

今坊之南門門扉卽周之太廟門板也

坊內有漢靈臺

漢平帝元始四年所立望雲物之所今餘址高五尺周圍一百二十步

次南曰普寧坊

南街西出通開遠門

坊西街有漢大學餘址

其地本長安故城南安門之外焉

次東漢辟雍

漢元始四年所立

東南隅東明觀

明慶元年孝敬升儲所立規度口西明之制長廊
廣殿圖畫雕刻道家館舍無以爲比觀內有道士
馮黃庭碑又有道士巴西李榮碑永樂李正己爲
其父也

十字街東之北靈化寺

隋開皇二年沙門善告所立其地本告之宅講堂

口有古冢不詳姓名高五丈僧徒射暮口人儀仗
偉然乘白馬著白袴褶翼從甚衆或有墾掘冢土
多見災異焉

西北隅穉祠次南曰義寧坊南門之東化度寺

隋左僕射齊國公高潁宅開皇三年潁捨宅奏立
爲寺時有沙門信行自山東來潁立院以處之乃
撰三階集三十餘卷大率以精苦忍辱爲宗言人
有三等賢愚中庸今並教之故以三階爲名其化
頗行故爲化度寺寺內有無盡藏院卽信行所立
京城施捨後漸崇盛貞觀之後錢帛金繡積聚不

可勝計常使名僧監藏藏內所供之伽藍時常修理不使稍有晦色燕涼蜀趙咸來取給每日所出亦難勝數或有舉便亦不作文約但往至期還送而已貞觀中有裴立智戒行修謹入寺灑掃十數年間寺內徒眾以其行無玷缺使守此藏後密盜黃金以前後所積過多故寺眾莫之知也口便不還眾驚觀其寢房內題詩云將軍遣狼口放置狗前頭自非阿羅漢誰能免作偷竟不知所武太后移此藏於東都福先寺天下物口遂不復集乃還移舊所開元元年勅令毀除所有錢帛供京城諸

寺修緝毀壞其事遂廢

西北隅積善尼寺

隋開皇十二年左僕射高潁妻賀拔氏所立其地
本賀拔氏之別第

十字街東之北波斯胡寺次南曰居德坊

南街西出通金光門坊內有隋依法寶岸疑觀寺
大業中□時凝觀寺有僧法慶□□□□紇像未
成蒸死時寶昌寺僧大智同日亦卒三日□□去
見官曹室殿上有一□□若王者見法慶在前有
一像忽來爲殿上人曰慶□我□□何乃令死便

檢之簿云慶食書而命未終殿上□□□給荷葉
以終其年言訖而忽失所在大智便蘇衆異之乃
往凝觀寺問慶時亦蘇說□□問遂不復能令每
日朝進荷葉而拔齊時進八□知□終身周流請
乞以成其□□今見在光天寺文渭南人單道琮
永徽中因病風瘡後日所具食不復經口但嗽土
飲水以終其身時人謂□人□也

東南隅光天寺

□□□漢園邱餘址光天元年改爲光天寺

西北隅普□寺

開皇七年突厥開府儀同三司鮮于遵義捨宅立
寺傳口口磨帝西域胡人善咒術常咒枯楊使生
枝葉

南門之西奉恩寺

木將軍尉遲樂宅神龍二年立爲寺也

次南曰羣賢坊東門之南直長受坊西南隅長安縣
廨

去府六里

南門之東永泰寺

神龍中中宗爲永泰公主追福所立寺內東精舍

有隋中大夫鄭法士畫釋迦滅度之變左口廊有
滕王庫真李雅畫聖僧之跡也

北門之東大法寺

武德中左光祿大夫口遠所立焉

十字街西之北崇義寺

武德二年桂陽公主爲駙馬趙慈景所立焉

次南曰嘉會坊西南隅褒義寺

本隋大保吳武公尉遲剛宅初剛兄迴置妙象寺
於故都城中移都後剛捨宅復立於此改名褒義
寺故殿堂口字竝故都舊寺之材木

十字街西之北靈安寺

武德三年高祖爲衛懷王玄霸所立

次南曰永平坊東門之宣化尼寺

隋開皇五年周昌樂公主及駙馬都尉尉遲安捨
宅立寺爲金剛上人雍法雅所製頗有靈跡有一
尼常傾心供養

□心尼寺

開皇八年宦者儀同宋祥捨宅所立也

十字街東之北眞化尼寺

開皇十年冀州刺史馮臘捨宅所立

東南隅中宗昭容上官氏宅

今爲南陽縣主所居之

次南曰懷德坊

口門之東舊有富商鄭鳳熾宅鳳熾肩高背曲形似駱駝時人號爲鄭駱駝其家巨富金玉資貨不可勝計常與朝貴遊往因是勢傾朝市邸店口宅遍滿海內其家男女婢僕口口玉食服用器物皆盡一時之口常嫁女娶婦口請朝士拜常賓客數百人衆皆愕然不知孰是口婦又嘗謁見口高祖請市終南山山中每樹口絹一疋白云山樹雖盡

而臣絹未竭事雖不行終爲貴賤之所驚後犯事
流瓜州會赦還及卒後子漸以窮迫又有富商王
元寶者年老好戲謔出入市里爲人所知時人以
有錢爲元寶字因呼錢爲王老焉

西南隅羅漢寺

開皇六年雍州牧楚公豆盧勣所立也口口之先
問周隋間房氏知名曰昔云是從祖從叔次日豐
邑公相與公遠近亦云是族叔其人大笑曰公是
方相姪兒只可嚇鬼何爲誑人自是大媿遂不敢
誑矣

東北隅淨虛觀

開皇七年隋文帝爲道士呂所立呂卻穀練氣
故以淨虛爲名

次南曰待賢坊

此坊隋初立天下諸州朝集使邸故以待賢名之
東北隅會聖觀

開皇七年隋文帝爲秦王孝俊所立

口南曰瀆和坊東南隅隱太子廟次南曰常安坊東
南隅章懷太子廟

神龍中所立也

次南曰和平坊

坊內南北街之東築大莊嚴寺街西口總持寺

次南曰陽坊

坊西南卽京城之西南隅也

半已東大莊嚴寺

隋初□□□三年爲獻后立爲禪定寺宇文愷以
京城西有昆明池地勢微下乃奏於此建木浮圖
高三百三十仞周匝百二十步寺內複殿重廊天
下伽藍之盛莫與爲比大業末此寺有僧智興□

□□□□□□□□

十字街西之北辨才寺

本鄭孝王亮隋代舊宅亮子司空淮安王神通以開皇十年爲沙門智疑立此寺於羣賢坊以智疑辨才不滯因名寺焉武德二年移於此

東門之北慧日寺

開皇六年立本富商張通宅捨而立寺通妻陶氏常於西市鬻飯精而價賤時人呼爲陶寺寺內有九層浮圖一百五十尺貞觀三年沙門道口所立次南曰崇化坊東南隅龍興觀

貞觀五年太子承乾有疾勅道士秦英祈禱獲愈

遂立此觀垂拱中有道士成玄英長於言論著□
老數部行於時也

東門之北經行寺

本長安令屈突蓋宅開皇十年邑人張緒市所立
焉

西南隅淨樂尼寺

隋開皇六年所立

次南曰豐邑坊

南街西通口平門此坊多假賃方相送喪之具武
德中有一人姓房好自矜閥闕朝廷衣冠皆認以

爲近屬有一人惡其如此設法云三途六趨聞此
解脫時仲冬寒烈掌中凝□□告倦後寺僧三
果有元住待賢坊因從煬帝南幸忽成夢其妻曰
五至彭城不達病死生於地獄艱苦□備嘗今日
初聞禪定寺智興師鳴鐘響徹地獄同受苦者一
時解免今得託生思報其恩□具絹與之妻覺不
信又夢如初妻辭以家貧無所得絹答曰有吏枉
得絹三十疋不合得用今吾將來置於後牀與是
足矣妻驚覺持火照牀果有絹三十疋遂發哀持
絹送寺數日而凶問至武德元年改爲莊嚴寺

半已西大總持寺

隋大業元年煬帝爲父文帝立初名禪定寺制度與莊嚴同亦有木浮圖高下與西浮圖不異武德元年改爲總持寺今莊嚴總持卽隋文獻后宮中之號二寺門額竝少詹事殷令名所書竹林傳云隋代所賜至今儼然

右皇城西第三街之十三坊

兩京新記卷第三

題兩京新記後

唐韋述撰兩京新記五卷宋史藝文志所著錄予偶得古抄本一冊乃其第三卷而首已闕數紙焉卷尾題云寫金澤文庫本則是書之流播此間久矣但其不完殊爲可惜已彼中撰著援引此書者絕罕唯宋程大昌雍錄明郎瑛七修類稿嘗一及之而其他無見也則疑其佚於彼焉及讀清人朱彝尊書熙寧長安志後云東西京記世無完書乃識其書雖存而非完本矣安知彼之所佚非我之所存乎嗚呼唐代遺書傳世者罕斷簡剩策固在可珍况兩京當時之盛

亦可因以概見則在好古者尤宜所珍尙者焉抑且
覩隻羽片鱗可想見龍鳳之姿也已未秋八月小盡
日天瀑識